

子猪尾膏如無內熱大便不實不可輕服竊  
謂前症多因初起熱盛之時失於解利所致  
亦有因痘毒未盡有因胃經有熱有因脾胃  
有熱有因心脾有熱煩躁痘裂出血便血衄  
血屎黑痕赤詳見各症大凡作渴發熱手足  
指冷或大便秘結者內有熱也切不可禁其  
飲水觀張子和述水中兒事良可驗矣蓋熱  
感於水而生也

一小兒痘疹狂喘熱渴飲冷痰涎不利先君  
用十六味清膈飲犀角地黄湯而痊

一小兒痘紫發熱小便不利手足發熱此肺  
經有熱用人參清肺飲小便隨利又用犀角  
地黄湯而靨

一小兒痘紫作渴手足並熱余謂胃經有熱  
用竹葉石膏湯一劑諸症頓退而愈用人參  
白朮散而痊

一小兒痘紫作痛其頂欲陷發熱飲冷作渴  
痰喘小便秘結此肺胃有熱用十六味清膈  
散一劑諸症頓減又用葛根麥門冬散一劑  
而愈

一小兒出痘發狂作渴飲冷此上焦熱熾也  
用黃連解毒湯芹菜汁而止又用紫草快班  
湯將靨因間藥餌二日色黑倒靨用紫草散  
渴止又用人參白朮散而痊

一小兒出痘喘咳面赤其脉洪數右寸脉尤  
甚此心火剋肺金用人參平肺散以清心肺  
再用地黃丸以壯腎水喘嗽頓止

一小兒痘將愈喘躁作渴面赤此稟足三陰  
虛也用地黃丸料數劑諸症稍可又佐以益  
氣湯諸症漸愈後因沐浴出汗仍喘咳煩躁  
面赤脉洪大按之如無此汗多亡陽也用當  
歸補血湯而愈畢姻後喘咳音啞用地黃丸

益氣湯各百餘劑得遠幃幙而生

一小兒痘愈後時發狂兼喘發過面色黃白  
手足並冷此脾胃虛弱也余用補中八珍二  
湯各三十餘劑或云當先降火邪而後補元  
氣乃服苓連朴硝之類汗吐不止而歿  
十六味清膈散治涕唾稠粘喘嗽痰盛身熱  
鼻乾大便如常小便黃赤

人參

柴胡

當歸

芍藥

知母

桑白皮

白朮

黃芪

紫苑

地骨皮

茯苓

甘草

桔梗

黃芩

石膏

炒半兩

煨

滑石

右每服三錢薑水煎量兒服之

葛根麥門冬湯治痘疹胃經熱甚頭疼悶煩  
或痘後餘毒

麥門冬

乾葛

人參

赤芍藥

升麻

茯苓各二分

石膏末五分

甘草二分

右水煎服

犀角地黄湯治鬱熱不解氣血湧為衄血或流入胃脘而吐血或餘血停滯面色痿黃大便色黑

犀角

生地黄

白芍藥

牡丹皮

各一錢

右水煎乳母同服

人參平肺散治心火剋肺金傳為癰痿咳嗽喘嘔痰涎壅盛胸膈痞滿咽嗑不利

人參

陳皮

甘草

地骨皮

茯苓

知母

五味子

炒一錢

青皮

四分

天門冬

去心四分

桑白皮

左水煎徐徐服

竹葉石膏湯治痘瘡胃中煩悶小便赤澀口

乾作渴兼有赤班又宜服犀角散

方見泄瀉咬牙

龍腦膏子治時氣踈痘瘡及赤疹子未透心

煩狂躁氣喘妄語或見鬼神或已發而陷

伏宜速治否則毒入臟必死

生龍腦

右研細滴雄豬心血丸菘豆大每服一九

心煩狂躁紫草湯下瘡陷伏溫酒化下一

方加辰砂五方尤妙服後少時心神清爽

得睡瘡疹發透

豬尾膏治痘瘡黑陷倒靨

用小豬尾尖刺血兩三點入腦子少許辰

砂末一錢同研膏以木香湯化下

紫草快班湯治痘疹下血不止不能發出

氣不足色不紅活等症

即紫草湯

紫草

人參

白朮

茯苓

當歸

川芎

芍藥

木通

甘草

糯米

右每服二錢水煎

人參清肺散

方見痘喘

八珍湯

方見

頂陷灰白瀉渴

黃連解毒湯

方見痲症

地黃丸

即六味地黃丸

人參白朮散

即七味白朮散

二方見發熱屬陰陽

補甲益氣湯

當歸補血湯

二方見寒戰咬牙

作痒抓破膿水淋漓之症

五

陳文宿先生云痘瘡作痒抓破成瘡膿水淋漓者由血氣衰肌肉虛也宜用木香散加丁香肉桂及敗草散切忌用牛糞灰竊細症

皆因氣血虛弱所致預為調護使氣血平  
庶無此患又必察其外症色白者用四君之  
類色赤者用四物之類若因鹹味宜用蟬蛻  
散之類

一小兒口乾作渴脉浮而數此血氣虛而有  
熱也用參芪四聖散加蟬蛻而痒止用托裡  
散加蟬蛻而膿貫又用托裡散將靨忽發熱  
作渴而痒此血虛也用八珍湯當歸補血湯

而愈

一小兒痘赤作痒小弦按之則數此乃肝火  
血燥生風先用柴胡麥門冬散加蟬蛻而痒  
止又用托裡散而靨脫後仍痒痕白用八珍  
湯倍加參芪而愈

一小兒痘瘡作痒赤心肝二脉數而弦此  
風熱相搏而血熱用四物黃連柴胡丹皮  
而痒止用八珍湯當歸補血湯而瘡愈

一 小兒痘後作痒 甚不寐此脾經氣 俱  
虛用四君歸芪數劑而止後傷食作瀉復痒  
不寐仍用前藥及 味異功散而愈  
一 小兒痘瘡愈後 痒膿水淋漓內熱口乾  
用四君歸芪及補中益氣湯并六味地黃丸  
而愈

一 小兒痘痕作痒 祛風藥遍身皆痒膿水  
淋漓口噤發搐面 皎白此氣血俱虛余用

大補湯參芪四聖散而愈

一 小兒痘瘡已愈而犯色慾遍身作痒痘痕  
赤色氣息淹淹脉洪數無方左尺為甚先用  
大補湯內用人參五錢數劑形氣稍復佐以  
大劑加料八味丸料又五十餘劑而痊

一 小兒痘將靨身痒脉浮數按之無力此真  
氣不能榮於腠理用補中益氣湯漸愈因功  
課勞心自汗用六一湯而愈後煩躁 自



汗如雨用當歸補血十全大補二湯而愈  
一小兒汗出如雨手足發熱作渴飲冷右關  
洪數有力此胃經實熱也用清胃散一劑頓  
退因食膏粱復痒發熱飲冷用瀉黃散末一  
錢渴止又用白朮散去木香而痊

一女子靨後身痒脉浮大此脾肺氣虛也朝  
用補中益氣湯夕用黃芪一湯而愈經行  
復痒發熱用加味道遙八珍湯而痊

一男子痘愈而入房身痒昏憤脉大而無倫  
次按之如無用獨參湯十五劑而甦又大補  
湯二十餘劑脉歛又二十餘劑脉微細而畏  
寒此火歸經又五十餘劑而痊

一婦人痘方愈因勞發痒服消風散口噤流  
涎余謂曰此因元氣復傷不信仍服前藥更  
四肢發搐余用十全大補加味道遙而愈  
一小兒痘愈後作痒服消風散四肢發搐口

噤流涎余謂脾土虧損而肝木所尅果

一小兒痘膿未滿面赤作痒余謂氣血虛而

有熱欲行溫補不信乃服清熱之藥而歿

柴胡麥門冬散治肝膽經有熱曆後不解

柴胡 麥門冬 各一錢 人參

玄參 龍膽草 各五分 甘草 炒

右水煎量兒大小服

參芪四聖散治痘瘡不能長滿生膿或色白

作痒 方見腹脹氣促

五味異功散治稟賦元氣虛弱肌肉消溥禁

衛短促而患瘡瘍不能消散或脾肺氣虛

不能生肌收口大凡諸症因脾氣虛而不

能愈者皆宜服之調補元氣則自愈矣 方見

寒戰 咬牙

黃芪六一湯治瘡瘍後氣虛作渴愈後復渴

尤宜服之

黃芪

錢灸六

甘草

錢灸一

右水煎服

柴胡梔子散治肝膽經有熱瘡毒不愈或發

熱不止

柴胡

山梔

牡丹皮

錢各一

川芎

芍藥

茯苓

錢各七

白朮

炒

甘草

錢各五

當歸

干芫子

炒各七分

右水煎母子同服

十全大補湯

獨參湯

參芪四聖散治痘瘡不起不能長滿生膿或

作痒

三方見腹脹氣促

補中益氣湯治痘瘡中氣虛弱或因尅伐以

致身痒惡寒發熱煩渴體倦飲食少思或

不能結痂作痒者

當歸補血湯

二方見寒戰咬牙

加味道遙散

方見欲靨不靨

四君子湯

方見不靨悶亂

六味地黄丸

方見痘瘡發熱屬陰陽

四物湯

方見痘瘡出遲

托裡散

方見痘癰

八珍湯

即四君四物二方相合

瀉黃散

方見靨後發熱咽痛

加減八味丸

即六味加用五味子肉桂

清胃散

方見痘癰

風邪搏於肌肉患疔蝕之症

六

陳文宿先生云痘疹已靨未愈之間五臟未實肌肉尚虛血氣未定忽被風邪搏於肌肉膚腠之間則津液澁滯故成疔蝕瘡也宜用雄黃散綿繭散治之久而不愈則潰蝕筋骨以致殺人竊謂雄黃散清肝殺虫解毒

壘

散治膿水淋漓皆治外之良方內無餘者  
宜用此法若因肝脾疳火上炎或食甘肥而  
胃火內動或手足陽明經蘊熱或腎經虛熱  
各有不同皆元氣不足病氣有餘乘虛而發  
也燉痛作腫用仙方活命飲大蕪荑湯疳熱  
爲患用大蕪荑湯四味肥兒丸腎經虛熱用  
地黃丸當臨制宜分五臟相勝審乳母之氣  
何如扶助胃氣爲善

一女子患疳症因浴熱湯發熱如灸體強如  
瘕此勝理間泄邪熱乘虛而內作用十全大  
補湯一劑頓安同時亦有患此症不用補劑  
者甚至不救

一小兒痘後遍身津滯作痒此蕪因疳爲患  
用大蕪荑湯及蟾蜍丸而愈後作渴口中作  
痛用蟾蜍丸人中白散而安

一小兒痘後毒蝕腮余謂肝脾有熱助而

患也用大蕪荑湯大蘆薈丸為主以五異  
功散爲佐月餘漸愈却以五味異功散佐以  
大蕪荑湯而痊

一小兒臀間痘毒蝕爛恪敷雄黃散益甚余  
謂兼肝脾疳也允用大蕪荑湯活命飲各二  
劑又用九味蘆薈丸爲主以五味異功散爲  
佐月餘諸症漸愈

一小兒患前症發熱作渴兩足晡熱余謂稟  
腎經陰虛不信恪服清熱敗毒而歿

一小兒痘出甚密先四肢患毒膿潰而愈後  
口患疳延蝕牙齦余先用大蕪荑湯活命飲  
各一劑又用蟾蜍丸人中白散而安

一小兒痘毒蝕陷敷雄黃散服加味解毒散  
而愈

一小兒臉患之作痛用仙方活命飲又敷雄  
黃散大蕪荑湯而愈

韶粉散治痘瘡毒氣未散瘡痂雖落其癩猶  
黯或凹或凸此藥塗之

韶粉

一兩

輕粉

一兩

右煉猪脂油拌勻如膏塗之如痘痂欲落  
不落當用後方

羊髓骨髓

右入輕粉研成膏塗之如痘痒搔成瘡及  
瘡痂欲落不落用上等白蜜塗之其痂自

落亦無癩痕神効

雄黃散治痘毒牙齦生疳蝕瘡

雄黃

一錢

銅綠

二錢

右研細量瘡大小乾摻

綿繭散治痘毒蝕瘡膿水不絕

出蛾綿繭

不拘多少

右用生礬末碎貫繭內以炭灰燒礬汁乾  
取出爲末乾貼之

九味蘆薈丸治痘毒成疔齒蝕爛齒或透頰  
顛或肝脾疳熱結核耳內生瘡兩目生翳  
耳中出水或小便出津拘中結核或大便  
不調肢體消瘦等症

胡黃連 宣黃連炒 蘆薈

木香 白蕪荑炒 青皮

白雷丸 鶴虱草各一兩 麝香三錢

右各另為末糊丸麻子大每服半錢空心

米湯下仍量兒用之

大蕪荑湯一名梳子 茯苓湯 治痘毒上攻口齒成疔

發熱作渴大便不調髮黃脫落面黑便清  
鼻下生瘡乳食嘔吐等症

山梔仁三分 黃栢 甘草炙各二分

大蕪荑五分 黃連 麻黃根一分

羌活二分 紫胡三分 防風一分

白朮 茯苓各五分 當歸四分



右水煎服

導赤散

生地黄

木通

甘草各等分

右為末每服一錢淡竹葉水煎

敗草散治痘瘡搗搔成瘡膿血淋漓用屋爛草或蓋墻爛茅年遠者佳如無曠野生者尤佳為末搽之如遍身患者須多摻鋪席上令兒坐卧其瘡即愈

丹粉散治痘毒膿水淋漓

輕粉

黃丹各一錢

黃連末三錢

右研勻搽患處

立効散治一切胎毒瘡疥及風疹痛

大黃

黃栢

山梔

寒水石

煨各等分

右為末用清油燭調搽若破而膿水淋漓用當歸膏

大楓膏治一切瘡疥

大楓子肉研膏黃連各二兩真輕粉

枯礬 蛇床子各一兩相油六兩

右各另為末入大楓膏和勻更入相油杵

百餘即成膏矣每用少許塗患處

加味小柴胡湯 方見班疹

加味道遙散 方見欲醫不醫

人參平肺散

犀角地黄湯 二方見頭陷心煩

柴胡梔子散 方見作痒抓破

三黃散 方見班爛

八珍散 方見頂陷灰白

地黃丸 方見發熱屬陰陽

十全大補湯 方見腹脹氣促

補中益氣湯

當歸補血湯

五味異功散

竹葉石膏湯

四方見泄瀉咬牙

四味肥兒丸

加味解毒散

人中白散

東垣消毒救苦湯

四方見夾疹痘

蟾蜍丸

清胃散

仙方活命飲

三方見痘癰

癩症

七

陳文宿先生云癩疹之症俗言疹子是肺胃有熱或時氣所作發於皮膚遍體狀如蚊蚤所咬凡色赤者十生一死色黑者十無一生錢氏云癩症初發類似傷寒發熱五六日或七八日而出或乍涼乍熱或咳嗽泄瀉不食面赤眼光如水生眵或噴嚏痰涎或熱渴乾

嘔或大便急而小便澁余竊謂前症若身熱  
煩渴者用升麻湯自汗煩渴者化癍湯煩渴  
熱瀉白虎蒼朮湯熱盛譫語導赤散咳嗽不  
已生地黃散吐血衄血或大小便血犀角湯  
喉間作痛甘桔防風湯咽喉腫痛玄參升麻  
湯乍涼乍熱小柴胡湯喘嗽不已柴胡五味  
子湯小便不利柴苓湯熱盛乾嘔解毒湯停  
食嘔吐或腹脹作瀉平胃散大便不通加枳  
實飲食已消或仍作嘔四君子湯大便秘或  
喘滿者先用前胡枳殼湯下之乃用春澤湯  
瘥後熱毒不除葛根黃連湯餘毒成瘡射干  
鼠粘子湯消毒飲又有夾痘而出者其勢最  
速乃血乘其勢而為患也如大便硬用清涼  
飲少許下之癍退四君歸芪固其元氣肢體  
疼痛用活命飲一服殺其毒氣仍用托裡散  
治之

一 小兒七日不消頭痛發熱防其內陷此表邪未解用葛根麥門冬湯一劑頓解再劑而痊

一 小兒惡寒發熱頭痛拘急先用人參羌活散一劑外邪頓散又用五味異功散而安

一 小兒月餘不消增寒壯熱頭痛拘急此表邪未解也用人參敗毒散一劑而表邪退再用惺惺散而痊

一 儒者年踰二旬患前症煩渴飲冷用竹葉石膏湯化癍湯各一劑熱渴頓愈用快斑湯痘瘡頓起用八珍湯而痊

一 產婦患此乃風熱所致用惺惺散而風熱散用六味活血湯而瘡起發用八珍湯而痊

一 小兒患此鼻塞聲重發熱身痒用人參消風散而表症愈後發熱搔破膿水淋漓脉浮大按之無力此脾胃氣虛不能榮於腠理朝

用補中益氣湯夕用黃芪六一湯而愈後因感冒服表散之劑煩躁發熱面目俱赤脉大而虛用當歸補血湯而痊

一小兒發熱作渴二便秘澀用大連翹飲二便隨通但嘔吐痰涎腹痛不食此邪氣去而真氣復傷也用五味異功散而痊

惺惺散治風熱時氣瘡疹頭疼壯熱目澀多睡咳嗽喘麤

枳梗

真細辛

人參

甘草

白茯苓

川芎

白朮

各五分

薄荷

右水一盞薑三片煎服

黃連解毒湯治疹毒吐血乾嘔

黃連

黃柏

黃芩

梔子

各三錢  
二字

右水煎量大小服

柴胡五味子湯治癰疹喘嗽即小柴胡湯內加五味子

小柴胡湯治癰疹乍涼乍熱似瘡喘嗽

柴胡錢三 人參 黃芩各二錢

半夏一錢二字 甘草一錢

右生薑三片水一盞煎至六分溫服

柴芩湯治痘疹小便不利

柴胡 黃芩 豬苓

澤瀉 茯苓 白朮各一錢五分

右薑水煎量大小服

人參消風散治癰症等症

人參錢三 荆芥穗 甘草炙

陳皮錢各五 白僵蠶 茯苓

防風 芎藭 藿香

蟬蛻錢各三 厚朴薑製三錢 羌活二錢

右每服一錢水煎服

人參敗毒散治癰疹發熱惡寒咳嗽等症

人參

茯苓

川芎

羌活

獨活

前胡

柴胡

枳殼麩皮炒

桔梗

甘草

炒各等分

右每服二三錢水煎

生地黄散治痘疹煩熱咳嗽

生地黄

麥門冬

各一錢半杏仁

陳皮

各一錢

甘草

五分

右水煎服忌酒醋鹽酸之物

白虎蒼朮湯治痘疹癩症

玄參升麻湯

化癩湯

三方見水痘麻痘

升麻葛根湯

方見後

乾葛麥門冬湯

犀角湯

二方見頂陷心狂

快癩湯

方見頂陷心煩



六味活血散

活命飲 二方見痘癰

大連翹飲

春澤湯

人參羌活散

葛根黃連湯 四方見夾疹痘

五味異功散

當歸補血湯

補中益氣湯 三方見寒戰咬牙

黃芪六一湯 方見作痒抓破

竹葉石膏湯 方見泄瀉咬牙

射干鼠粘子湯 方見靨後發熱

甘桔防風湯 方見痘寒戰

前胡枳殼湯 方見痘涕唾稠粘

四君子湯 方見不靨悶亂

四順清涼飲 方見大便不通

水痘麻痘八

陳文宿先生云水痘之症身熱二三日而止或咳嗽面赤眼光如水或噴嚏咳唾稠粘與痘不同易出易靨不能為害湯民望先生云麻痘乃天行時氣熱積於胃胃主肌肉故發於遍身狀如蚊子所嚙色赤者十生一死色黑者十死一生此症亦與癩症不同其癩症如錦紋而但空缺處如雲路之狀麻症乃遍

身而無空處但以疎密之不同耳麻痘漸出咳嗽煩悶嘔逆清水眼赤咽喉口舌生瘡用黃連杏仁湯若催出而成斑爛如錦紋或膿水腥臭心胃咳悶嘔吐清水不時身熱用黃芩知母湯初起發熱疑似之間可服升麻湯然麻症始終宜用麻黃湯表之痘症表與下皆不可大抵發熱煩渴用升麻葛根湯發熱咳嗽人參麥門冬湯發熱煩躁小便不通大

連翹飲冬寒腠理閉塞葛根橘皮湯

一小兒患之發熱作渴遍身作痛大小便乾澁此熱毒鬱滯於內用葛根麥門冬湯一劑頓安又用解毒湯而愈

一小兒患此身痛發熱煩躁此風邪搏於表也用玄參升麻湯諸症頓解但倦怠發搐此脾虛爲肝所侮也用和肝補脾湯而安

一小兒患此腹痛煩渴面赤咳嗽痰涎用升麻湯一劑遍身如錦用化癍湯一劑而安又用人參麥門冬散而愈

一小兒疹隱於肉裡而不現煩渴躁熱衄血吐血或便血用解毒湯犀角湯各一劑而血止又用導赤散而愈

一小兒患此寒熱乾嘔先用小柴胡湯加生地黃而寒熱止用解毒湯而發用生料四物湯而全愈

一 小兒患此五日不消發熱煩躁左關脈洪  
數而有力此胃經實熱先用化癍湯一劑又  
用參滑散而愈

三豆飲治天行痘瘡始覺即服之多者必少  
少者不出

小赤豆

黑豆

菜豆

各一百粒

甘草節五錢

右水煮熟任食之七日自不發

參滑散治水痘

地骨皮

麻黃

去節一分

人參

滑石

大黃

煨一分

知母

羌活

甜葶藶

炒一分

甘草

炙半分

右為末每服半錢水一小盞小麥七粒煎  
數沸每服三五匙不可多服

按前方發表散邪疎通內熱之峻劑若遍  
身作痛壯熱煩躁作渴飲冷大便秘結小

便澁滯喘嗽等症宜用此方然水痘多屬表邪或發熱引飲小便赤澁者當用升麻葛根湯如無他症不必用藥

和肝補脾湯治風熱瘡疹脾土不及肝木太過

人參 陳皮 川芎 各五分

白朮 茯苓 芍藥 各七分

柴胡 甘草 各三分 山梔 炒四分

右作二劑水煎服

白虎蒼朮湯

石膏 四錢 蒼朮 一錢五分 知母 一錢

甘草 五分 粳米 撮

右水煎服

黃連杏仁湯治麻痘漸出咳嗽煩悶嘔逆清水眼赤咽喉口舌生瘡作瀉

黃連 兩 陳皮 杏仁 去皮尖

麻黃

去節

枳殼

炒

葛根

各五錢

右每服二錢作瀉者加厚朴甘草

黃芩知母湯治麻症癩爛隱疹如錦紋或膿

腥臭心胸閉悶嘔吐清水溫壯不時

葛根

知母

洗

黃芩

麻黃

去節

陳皮

杏仁

去皮尖

甘草

各等分

右每服二錢若不嘔逆去陳皮加芍藥如

吐則用之

升麻葛乾湯治瘡疹初起發熱咳嗽似傷寒

未辨麻疹

白芍藥

川升麻

甘草

乾葛

各等分

右水煎每服三錢

化癩湯治癩疹渴熱最良

人參

知母

甘草

各一錢五分

石膏末錢四

右加粳米一撮水煎量服之

葛根橘皮湯治發癍煩悶嘔吐清汁兼治麻痘等症

葛根 陳皮 杏仁去皮

麻黃去節 知母炒 甘草

黃芩各半兩

右每服二三錢水煎

玄參升麻湯治癍疹已發未發或身如錦紋甚則語言煩躁喉閉腫痛

玄參 升麻 甘草炙各等分

右每二三錢水煎服

烏梅丸

烏梅三十箇酒浸肉研爛 細辛

附子炮 乾薑各一兩 黃連一兩

當歸 蜀椒各四兩

右為末烏梅肉與米飯和丸桐子大每服

數丸白湯下

羌活散 即人參敗毒散加天麻地骨皮

葛根麥門冬湯 方見頂陷心煩

解毒湯

小柴胡湯 二方見斑症

四物湯 方見斑症出遲

犀角湯 方見頂陷心狂

升麻葛根湯 方見痘寒戰

人參麥門冬湯 一名麥門冬散方見發熱口渴

大連翹飲 方見夾疹痘

導赤散 方見疳蝕之症

痘瘡生癰毒治之症

陳文宿先生云痘疹首尾不宜與水喫若悞與之瘡靨之後其痂遲落或生癰腫鍼之而成疔蝕以致難愈蓋脾胃外主肌肉飲水過



多濕損脾胃搏於肌膚則津液衰少氣血不能周流凝結不散故瘡痂遲落而身生癰腫也張潔古先生云癰腫發於身前手陽明經也發於四肢足陽明經也丹溪先生云痘癰多是餘毒血熱所致當分上下用藥而以涼血為主大便秘實加大黃如不應當分經絡所屬血氣虛實其膿成否竊謂前症初起未成膿者用活命飲隔蒜灸治而消之欲成膿

者用四君子湯加當歸黃芪以補托元氣大凡痘瘡始末皆係脾腎之氣所主若飲食藥餌一有失宜必致多變他症凡於飲食少思內熱晡熱者皆屬脾腎氣虛血弱之故也宜佐以四君子加川芎當歸黃芪升麻或飲食如常有發熱作痛亦屬氣血虛弱餘毒為患亦宜佐以射干鼠粘子湯若飲食如常發熱作痛大便秘結者係屬熱毒內蘊宜用大連

翹飲如或不應仍用仙方活命飲若根赤而作痒者是血虛也宜用四物湯加以牡丹皮色白而作痒者亦血虛也宜以四君子加當歸芍藥若色赤而作痛者是血熱也宜以四物湯加連翹與金銀花若腫而不潰者乃氣血兩虛之故也須用托裡消毒散若潰而不愈者皆因脾氣虛弱也宜用六君湯以滋補之

一小兒痘毒蝕陷敷以雄黃散及服加味解毒散而愈

一小兒痘毒遍身腐潰膿水淋漓以經霜茅草研細末鋪於寢席之上令小兒睡卧於上更服九味解毒散頓愈又用神效當歸膏敷之而痊

一小兒痘毒之後更患腿膝腫痛極甚此乃脾腎虛而毒流注宜先用仙方活命飲服服

過四劑其腫痛頓減大半再用補中益氣湯及六味丸而痊

一小兒腿膝腫潰膿水不止內熱晡熱體倦肌瘦余以為元氣復傷用以八珍湯兼六味丸服三月而愈

一小兒痘瘡已愈兩目昏閉余用鼠粘湯加山梔龍膽犀角目開而有赤白翳佐以蛇蛻散外用二粉散而安

一小兒痘毒潰而腫不消煩躁作渴小便如淋手數尋空此肝脾虛熱也用八珍湯加減八味丸料各二劑而安又用大補湯而愈

一小兒痘毒腿膝腫此脾腎虛而毒流注也  
用如聖餅及活命飲四劑腫痛頓減再用益氣湯地黃丸而痊

一小兒腿膝腫潰膿水不止晡熱體倦先君謂元氣復傷陰虛所致用補陰八珍湯地黃

九而愈

一小兒痘毒敷寒涼藥內潰不愈清膿甚多此元氣虛也朝用益氣湯夕用八珍湯各五十餘劑佐以豆豉餅而愈

一小兒腮患毒用活命飲腫痛已退肢體甚倦此邪氣去而元氣虛也用聖愈湯元氣少復用托裡散而痊

一小兒左耳下連項赤腫作痛此少陽膽經火症用梔子清肝湯治其母用活命飲治其子而痊後復作誤服敗毒散潰而不斂瘡口色白余用托裡散而痊

一小兒出痘七日寒熱作渴兩脇及臂外患痘行此屬膽經也挑出黑血以小柴胡湯加生地黄一劑熱渴頓止又用活命飲而痊  
一小兒患此面腫肉色如故脉浮而大按之微細余謂此元氣虛而邪從之也當補元氣

為善不信反服犀角丸化毒丸而歿

神効隔蒜灸法治痘癰大痛或麻木痛者灸

至不痛不痛者灸至痛其毒隨火散用大

蒜頭切三分厚安上用小艾炷於蒜上灸

之每五壯易蒜再灸痛不止尤宜多灸小

兒須將蒜切片着肉一面畧剝小空灼艾

燃蒜先置大人臂上試其冷熱得宜然後

着瘡上又別灼如前法試之以待相易勿

### 令歇

仙方活命飲治痘疔痘毒及一切瘡毒未成

即消已成即潰此消毒敗膿止痛之聖藥

金銀花 陳皮各三錢 皂角刺炒

川山甲蛤粉用炒 乳香 沒藥

白芷 防風 當歸各一錢

貝母 天花粉 甘草節各七分

右每服五錢酒煎嬰兒母同服為末酒調

服亦可若勢甚而邪在表者加麻黃散之  
而毒在內者加大黃下之當臨症制宜此  
解回生起死之劑但元氣脫者不治  
六味活血散治癰疽瘡痛初起紅腫不散

當歸

川芎

赤芍藥

生地黄

紅花

蘇木

各等分

右水煎量服之

托裡散治痘毒元氣虛弱不能潰散未成用

之自消已成用之自潰

人參

黃芪

炒各二錢

當歸

酒洗

白朮

陳皮

熟地黄

茯苓

芍藥

炒各一錢五分

甘草

炙五分

右三五錢水煎服

托裡消毒散治痘毒氣血虛弱不起發腐潰  
收斂或發寒熱肌肉不生

人參

黃芪

當歸

酒洗

川芎

芍藥炒

白朮

陳皮

茯苓各一錢

金銀花

連翹

白芷各七分

甘草五分

右每服三五錢水煎

東垣聖愈湯治膿潰心煩無寐體倦少食

熟地黄自製者佳

生地黄各二分

人參

川芎各三分

當歸

黃芪各五分

右水煎服

濟生歸脾湯治脾血虛損健忘驚悸或心氣

虛不能攝血歸源以致妄行或吐血下血

或因乳母心脾二經有熱瘡不結痂或瘡

痕赤色加柴胡山梔即加味歸脾湯

人參

白朮

黃芪

白茯苓

龍眼肉

當歸

遠志

酸棗仁炒各二錢

木香一錢

甘草五分

當歸身一錢

右薑棗水煎母子同服

東垣清胃散治胃經有熱齒牙作痛或飲冷作渴口舌生瘡或唇口腫痛焮連頭面或重舌馬牙吐舌流涎若因服尅伐之劑脾胃虛熱口舌生瘡或弄舌流涎或嘔吐困睡大便不實者用五味異功散

升麻

五分

生地黄

四分

黃連

牡丹皮

各三分

當歸

稍四分

右水煎服嬰兒母亦服

替針丸治痘癰膿已成不潰

陳壞米

錢一

礪砂

錢五

雄雀糞

九粒

真雄雀糞直者是也

右為末米粥丸如麥粒大每用一粒粘瘡頭上以膏藥貼之半晌其膿自出若瘡頭透而膿不出或出而愈痛或發熱血氣虛也用托裡散或作嘔吐痰食少體倦脾氣



虛也用六君子湯

神效太乙膏治一切瘡疽潰爛

玄參

白芷

當歸

肉桂

赤芍藥

大黃

生地黄

各一兩

右咬咀用麻油四十兩入銅鍋內煎至藥黑攄去粗徐入淨黃丹一斤再煎滴水成珠捻軟硬得中即成膏矣

神效當歸膏治痘毒津淫或湯火等症及瘡腐不能生肌收斂者

當歸

黃蠟

生地黄

各一兩

麻油

六兩

先將當歸地黄入油煎去粗入蠟融化候溫攪勻即成膏矣

豆豉斫治瘡瘍腫痛或硬而不潰及潰而不斂并一切頑瘡毒癬用江西豉豆為末唾

津和成餅大如銅錢厚如三四錢置患處以艾鋪餅上灸之未成者即消已成者祛逐餘毒間有不効者乃氣血虛敗之症參疔瘡論灸法用之

神功散治瘡瘍初起腫痛者用之可消加血

竭更効

黃栢

炒爲末  
二錢

草烏

生爲末  
二兩

右用漱口水調敷常以漱水潤之

飛龍奪命丹治痘疔痘毒痘癰或麻木嘔吐

重者昏憤咬牙

真蟾酥

乾者  
酒化

輕粉

各一  
錢

枯白礬

寒水石

銅礞

乳香

沒藥

麝香

各二  
錢

朱砂

六  
錢

蝸牛

四十二箇另  
研如無亦可

右各爲末入蟾酥蝸牛或加酒少許糊丸

菘豆大每服一九温酒或葱湯送下重者

外用隔蒜法灸甚者多灸或着肉灸

五福元毒丹治痘毒實熱腫痛

生地黄

熟地黄

天門冬去心

麥門冬去心

玄參各二兩

甘草

甜硝各三兩

青黛一兩五錢

右為末蜜丸芡實大每服一九白湯化下

犀角消毒丸治痘疹餘毒一切瘡毒

生地黄

荆芥

當歸

犀角屑

防風

牛蒡子炒研

赤芍藥

連翹

桔梗各七錢

薄荷

黃芩

甘草

右為末蜜丸芡實大每服一九白湯化下

按化毒丹降火涼血解毒寒中之劑消毒

丸清熱解毒破血之劑蓋小兒臟腑脆嫩

元氣易傷况痘後氣血皆虛豈能勝當此

劑若胃氣一傷則未成者不能消散已成

者不能腐潰已潰者不能生肌殊不知症瘡乃臟腑所發遍身之血皆化為膿况此方愈而患此乃脾胃虛怯肌肉消弱榮衛短瀼所致治者審之

### 蟾蜍丸

蟾蜍一枚夏月溝渠中腹大不跳不鳴身多癩癩者

右取糞蛆一杓置桶中以尿浸之桶上要乾不令蟲走出却將蟾蜍撲死投蛆中食

一晝夜以布袋盛置浸急流水中一宿取出瓦上焙為末入麝一字粳米飯丸麻子大每服二十九米飲下

八珍湯 方見頂陷灰白

小柴胡湯 方見癩症加生地黄山樨即加味小柴胡湯

梔子清肝散 方見作痒搔破即柴胡梔子散

十全大補湯 方見腹脹氣喘

當歸補血湯

補中益氣湯

二方見寒戰咬牙

六味地黃丸

加五味子肉桂名加減八味丸

四君子湯

方見痘不靨悶亂

加味道遙散

方見欲靨不靨

加味歸脾湯

方見痘疔

加味清胃飲

方見痘不結痂

大蘆薈丸

方見風邪搏於肌膚

人中白散

如聖餅

補陰八珍湯

三方見夾疹痘

痘疔

十

痘疔又謂之賊痘或三五枚或五七枚間雜于諸痘之間其色紫黯作痛不寧以致諸症蜂起不能貫膿甚至不救乃熱毒勢甚併結也用仙方活命飲如二便秘澁量加大黃遍身拘急加麻黃外必用線針挑破出黑血或

吮出毒血以泄其毒餘痘纔得貫膿否則其毒無從而解必致不起如未應急用隔蒜灸若毒氣盛者或不知痛者不用蒜隔就着肉灼艾灸之若灸後瘡頭紅腫發焮用針挑破出毒血灼艾尤好雖此法未出方書予屢用屢驗者世多用至寶丹之類亦不可恃

一小兒有疔二枚諸痘焮赤作痒而不貫先以針挑破隔蒜灸至五十餘炷而貫又十

餘壯而痛止用活命飲末二錢熱酒調服出紫血又二服疔母悉退痘漿悉貫更用犀角消毒散而愈

一小兒患痘疔挑出毒血服活命飲而痘愈但疔處或痒或痛用活命飲隔蒜灸而愈用參芪四聖散而愈

一小兒痘內有疔數枚雖挑出毒血餘毒不解先君用仙方活命飲一劑徐徐灌之毒解

漿貫而愈

一 小兒患痘疔遍身焮如丹毒內紫色者三枚用活命飲隔蒜灸其勢漸退又用活命飲  
二 錢漿漸貫更用四聖散犀角消毒散而愈

一 小兒出痘第七日寒熱作渴兩脇及臂外側膽經各患痘疔先用針挑出黑血乃用小柴胡湯加生地黃一劑熱渴頓止又用活命

飲一劑而痊

一 小兒出痘稠密痛甚色赤翌日變黑索水飲之神思稍清先用活命飲末冷酒調服三錢痛雖稍緩其痘如指色赤腫高又用奪命丹一粒腫痛十減六七又用活命飲末一服溫酒調又得減三四再服而漿貫却用四聖散而痊

犀角消毒散治癍疹丹毒發熱痲痒及瘡疹

等症

牛蒡子

甘草

荆芥

防風

各五分

犀角

鎊二分

金銀花

三分

右水煎熟入犀角傾出服

仙方活命飲

飛龍奪命丹

隔蒜灸法

三方見痘癰

四聖散

方見腹脹氣促

小柴胡湯

方見癩症

夾疹痘

十一

夫疹乃風邪外患痘為胎毒內發二症並作臟腑俱病也二者相雜赤暈發焮痘瘡愈盛誤謂痘出太密多不可救然此乃疹夾痘也當治以人參羌活散疹毒即解痘勢亦退其元氣虧損不能結痂當補脾胃為急也人參羌活散治時氣痘疹兼於發表



人參

羌活

獨活

柴胡

前胡

桔梗

茯苓

枳殼

川芎

天麻

甘草

地骨皮各三分

右入薄荷五葉薑水煎服

東垣消毒救苦湯治癰疹悉自消化使令不出已出稀者再不生癰十一月立此方隨四時加減通造化明藥性者能之

麻黃根

羌活

防風

升麻各五分

柴胡

川芎

藁本

葛根

酒黃芩

生地黄各二分

細辛

生黃芩各一分

黃連

酒黃柏

紅花許少

蘇木

當歸身

吳茱萸半錢

白木

蒼木二分

生甘草一分

橘皮

連翹

半分初出減出太盛者加之

右每五錢水煎熱服

人中白散

人中白

煨一兩

黃柏

炒黑三錢

右為末搽口內

如聖餅治一切瘡瘍硬腫不能消散或毒不

能解散

乳香

沒藥

木香

血竭

當歸

等分

麝香

少許

右各另為末酒糊和為餅炙熱頻熨患處惡瘡加蟾酥等分

四味肥兒丸

一名小肥兒丸

治食積脾疳目生雲翳

口舌生瘡牙齦腐爛發熱瘦怯遍身生瘡等症或痘後患之

黃連

炒

蕪荑

炒

神麴

炒

麥芽

炒等分

右為末水糊丸桐子大每服二三十丸空

心白湯下

加味解毒散治癩疹痒痛寒熱甚者煩躁譫語并痘毒發熱咽乾

犀角錢五 連翹錢炒二 牛蒡子錢炒三

薄荷錢一 廿分五

右為末每服一二錢滾湯調下

補陰八珍湯即八珍湯加黃柏知母炒黑

芎根黃連湯治疹後身熱不除

葛根錢五 黃連錢三 黃芩錢二

甘草錢半

右水煎服

獨參湯人參一兩薑棗同煎

春澤湯

人參 白朮 茯苓

澤瀉 猪苓

右水煎服

大連翹飲

連翹

黃芩

瞿麥

木通

滑石

柴胡

防風

荊芥

薄荷

甘草

蟬蛻

桑葉

右每服三四錢水煎服

保嬰撮要卷十八

畢

國家圖書館, NATIONAL CENTRAL LIBRARY, TAIWAN, R.O.C.

保嬰撮要卷十九 續集

明太醫院院使薛己著

痘稠密

張潔古先生云一發稠密如針頭者形勢重也輕其表而涼其內連翹升麻湯主之然稠密之處各有經絡部分所屬額主心面主胃腹與四肢主脾脇主肝兩腋主肺下部主腎肩背主膀胱當隨見症治之若面色黃大便

黑煩躁喘渴或腹脹者瘀血在內也用犀角  
地黄湯或抱龍丸生犀角汁但根窠分明肥  
滿者無妨竊謂前症若屬心經用導赤散之  
類胃經用犀角散之類肝經用柴胡湯之類  
大凡稠密者熱毒熾盛也若密而不痛用東  
垣消毒散若密而作痛用仙方活命飲若密  
而小便不通用八正散若密而大便不通用  
承氣湯若密而惡寒發熱用麻黃甘草湯

一小兒十三歲痘瘡稠密而痛脉洪數而有  
力先君用仙方活命飲二劑先出者痛頓止  
後出者隱於肉裏用東垣消毒散二劑隱者  
悉消又用活命飲一劑脉靜身安而痊  
一小兒出痘稠密身側尤甚焮赤呻吟飲乳  
不徹先君謂肝膽之火助邪為患故身側尤  
多乃乳母肝火傳變也用柴胡梔子散治其  
母子飲數滴而瘳

一小兒痘疹甚密身側尤甚貫膿不滿不紅活或云當歿於十二日余以爲氣血虛弱用八珍湯加糯米百粒數劑至十五日而愈  
一小兒痘密而灰白色始末悉用補托之藥安後飲食過多嘔吐面青白唇目牽動先君以爲慢脾風症之漸不信翌日手足時搐用功散加木香乾薑而愈  
身壯稠密色赤先君以爲熱毒用東垣

消毒散一劑初出者頃起後出者悉沒再劑如期而靨

一小兒稠密色黑煩躁喜冷手足並熱先君謂火極似水令恣飲芹汁煩熱頃止先用犀角地黄湯次用地黃丸料服之而愈

一小兒稠密出遲用四聖散而起發用參芪內托散而靨後發熱惡寒用八珍湯而愈  
一小兒痘密而痛用東垣救苦湯一劑痛頃

止用紫草木通湯而愈

一小兒痘密身痛如刺用活命飲一劑其痛即止又用犀角消毒散而愈

一小兒痘初出密痛用東垣救苦湯痛頃止又用四聖散而發用犀角消毒散而愈

麻黃甘草湯治表實痘毒炊盛稠密

麻黃 生甘草

右水煎服

紫胡梔子散 方見作痒抓破

甘桔防風湯 方見痘咳嗽

紫草甘草枳殼湯 方見痘喘

東垣消毒散 一名救苦湯 方見痘身痛

紫草木通湯 方見小便不利

仙方活命飲 方見痘癰

六味地黃丸 方見痘瘡發熱屬陰陽

小柴胡湯 方見癰症



四聖散

方見痘腹脹氣促

柴胡清肝散

即柴胡梔子散  
一方見痘潮熱

紫草散

方見頂陷心煩

拖龍丸

方見痘癩瘡

犀角消毒散

方見痘疔

痘吐瀉

痘疹方云痘疹吐瀉蓋因脾胃不和飲食不  
調煩渴嘔吐泄瀉並用白朮散然瘡疹皆賴

脾土脾土實則易出易靨萬物得土氣溫煖  
而生吐瀉則傷脾土遂有更變之症夏月中  
暑煩渴瀉或腹痛或欠筋用五苓散加藿香  
傷食吐瀉用小異功散手足並冷者用益黃  
散芫蕞丸頂陷灰白用木香散瘡正出而吐  
瀉者或見血者俱為逆症難治竊謂前症雖  
因脾胃不和然邪實上焦則宜吐邪實下焦  
則宜瀉如上瀉嘔腐吞酸皆宜宣死但微甚

不同耳張翼之云若痘疹吐瀉少食爲裡虛  
陷伏倒靨灰白爲表虛二者俱見爲表裡俱  
虛合用十二味異功散救之甚至薑附靈砂  
亦可用若止裡虛去官桂止表虛減肉苳蔻  
若能食便秘倒靨爲裡實而補當用錢氏及  
丹溪法下之皆爲能食爲裡實裡實而補則  
結癰毒紅活綻凸爲表實表實而補則潰爛  
不結痂凡痘見癍便忌葛根湯恐發表虛也

如有更變當隨症治之

一小兒痘初出忽吐瀉飲乳不歇屬脾胃虛  
弱用人參白朮散作大劑母子並服又用五  
味異功散爲末時以乳調服吐瀉止而靨  
一小兒出痘作瀉手足並冷用十二味異功  
散稍愈又用五味異功散加薑桂一劑而止  
又去薑加木香一劑再用參芪四聖散而靨  
一小兒痘疹愈而作瀉不食此脾氣內虛先

用五味異功散而瀉止食進後又傷食吐瀉  
發搐仍以五味異功散加天麻柴胡而愈  
一小兒痘後作瀉腹中疼痛手足並冷此脾  
氣虛也用五味異功散加乾薑一劑乃去薑  
又數劑而痛止又用六君子湯加柴胡而瀉  
止

益黃散治瘡疹因煩渴飲水過多而傷脾胃  
吐瀉

丁香

訶子煨

青皮

陳皮

木香各等分

右為末每服一錢水煎

橘皮湯治嘔吐不止飲食不入

陳皮

生薑各一錢

人參五分

右水煎作三四次服之

生氣散治脾胃氣虛吐瀉肚腹膨脹飲食不  
化或腹痛不止

丁香

甘草各五分

白朮

青皮

木香

人參各七分

右水煎徐徐服

五苓散

方見小便不利

五味異功散

方見寒戰咬牙

對金飲治傷食吐瀉

方見不屬悶亂

豆蔻丸

方見泄瀉咬牙

十一味木香散

十二味異功散

二方見頂陷灰白

人參白朮散

方見發熱屬陰陽

參芪四聖散

方見腹脹氣促

六君子湯

方見不屬悶亂

自汗

痘疹方云初起時自汗不妨蓋濕熱薰蒸而然也竊謂前症因邪在經絡自能發散使邪氣外泄若見此症不當用芪桂之屬以實腠

理且自汗則痘熱已輕升麻葛根之類在所  
當禁恐發泄太甚則津液內耗陰隨陽散難  
以收靨靨後最宜審治若血虛者用當歸補  
血湯氣虛者用四君子加黃芪氣血不足者  
十全大補湯若飲食自汗者異功散楊氏云  
痘瘡一見紅點升麻葛根便不可用此語甚  
是但此爲表虛及無表症者而論若或邪在  
表痘赤綻焮者又當用麻黃甘草湯汗之腫

焮作痛者用活命飲加麻黃散之蓋自汗盜  
汗爲病不同自汗者汗無時而自出也屬陽  
虛盜汗者睡則汗出寤則汗收也屬陰虛汗  
者血之所化陰氣不能閉藏所以睡則汗出  
也痘家當以補血爲主若當歸補血湯六味  
地黃丸八珍湯人參養榮湯之類皆可因証  
施治又有胃虛者宜用四君及浮麥散食積  
內熱者宜用四君麴蘖未靨之際恐致氣血

虛而不能結痂既靨之後尤防血脫陰虛陽無所附矣

一小兒痘將出自汗作渴發搐此心肝二經熱甚用柴胡麥門冬散而熱症退用紫草快癍湯痘悉見又用四聖散而結靨

一小兒痘出自汗發搐流涎此木火侮土先用五味異功散加釣藤鈎諸症頓減次以五味異功散加柴胡而安

一女子出痘色赤自汗發搐作嘔此肝火侮土先用五味異功散加柴胡釣藤鈎熱搐悉愈又用托裡散漿貫而愈

一小兒痘出自汗面赤作渴手足並熱大便秘黃此腸胃皆熱用瀉黃散末一服諸症頓退又用五味異功散加山梔麥門冬而痊人參養榮湯治氣血俱虛發熱惡寒肢體瘦倦食少作瀉或久病虛損口乾欬而下痢

驚熱自汗盜汗

白芍藥炒一錢半人參

陳皮

黃芪炒桂心

當歸

白木炒甘草灸各一錢

熟地黄自製七分

五味子杵炒七分遠志五分

右每服二三錢薑棗水煎

麻黃甘草湯

麻黃 甘草等分

右每服一錢水煎

浮麥湯

浮麥不拘多少炒香

右每服三五錢水煎

當歸六黃湯治血氣不足虛火內動煩躁自

汗盜汗不止方見煩躁

痒塌

陳文宿先生云痘瘡痒塌若臟腑調和血氣

充實外常溫煖內無冷氣必無此症設服宣  
利之藥所致宜用異功散治之丹溪云痘疹  
痒塌者於形色脉上分之實則脉有力氣壯  
虛則脉無力氣怯虛痒則實之更加涼血藥  
實痒則大便秘結以涼藥下之竊謂前症若  
色赤而兼痒者屬血虛有熱用四物牡丹皮  
色白而兼痒者屬氣虛有熱用四君加芎歸  
若發熱大便秘結者用犀角消毒散發熱大

便調和者用麥門冬飲寒戰渴瀉喘嗽聲啞  
氣急先用十一味木香散如未應急用十二  
味異功散外用敗草散敷之若寒戰咬牙煩  
熱喘渴足冷灰白內陷腹脹渴瀉者皆不治  
一小兒出痘六日痒塌寒戰錢密庵謂血氣  
虛寒用十一味木香散二劑而漿貫用參芪  
托裡散而靨脫後痕作痒用大補湯而痊  
一小兒第七日痒塌少食手足俱冷發熱惡



寒先君謂陽氣虛寒用十二味異功散一劑而痒止又用托裡散加肉桂四劑而漿貫用十全大補湯而結靨後痕赤作痒此血氣虛熱用八珍湯二十餘劑而愈

一婦人出痘熱數日而發見用紫草快癍湯雖紅活而痒塌詢其素勤勞元氣頗不充實用八珍湯煩熱漸止又用托裡散而靨

一小兒十六歲第九日痘塌口乾發痒手冷

腹脹先君謂脾胃血氣虛弱用五味異功散加歸芪薑桂四劑痒漸止又用十全大補湯六劑漿貫用八珍湯數劑而靨後遍身不時作痒或痘痕色赤用補中益氣湯而痊

一小兒痘漿不滿面赤作痒余謂血氣虛而有熱欲與溫補不信服清熱之藥至十三日痘痕色赤煩渴腹脹不食手足逆冷而歿

五味異功散治痘瘡脾胃氣虛痒塌

方見寒戰咬牙

紫草快癩湯

方見頂陷心煩

四物湯

方見痘瘡出遲

四君子湯

即六君子湯出陳皮半夏方見不靨悶亂

托裡散

犀角消毒散

二方見痘癰

十全大補湯

方見腹脹

八珍湯

十一味木香散

十二味異功散

三方見頂陷灰白

倒靨

丹溪先生云痘瘡倒陷因真氣虛而毒氣不能盡出者用黃芪人參紫草酒製治之若將成就之際却淡色者屬血虛用當歸川芎之類或加紅花紫草屬熱毒者用升麻苓連梗翹之類甚者用犀角屑大解痘毒竊謂前症若熱毒方出忽被風寒閉塞肌竅血脉不行

身體作痛或四肢微厥癡點不長或變青紫  
黑色者此為倒靨若胃氣虛弱不能補接榮  
衛出而復沒者謂之陷伏誤用解毒之藥必  
致陷塌若喜熱飲食手足並冷者乃脾胃虧  
損陽氣虛寒之症宜用辛熱之劑補之喜冷  
飲食手足並熱乃陽氣實熱之症宜用苦寒  
之劑瀉之外感風寒者溫散之毒入腹者分  
利之陽氣虛者溫補之外寒觸犯者薰解之  
曠也

陳宿州先生用十二味異功散以預保脾土  
於未敗之先實發前人之未發開萬世之曠  
散加人參當歸又用參芪托裡散而愈  
一小兒痘將愈忽黑陷余謂氣血虛用紫草  
一小兒將愈而倒靨咬牙寒戰手足並冷飲  
沸湯而不知熱用十二味異功散一劑諸症  
頓退却用五味異功散倍用參朮數劑而愈

一小兒痘飲食多而作吐服枳朮丸色黑將陷用五味異功散加乾薑二劑貫漿而靨一男子發熱昏憤數日發紅點用快庭湯托裡散貫漿將靨忽發熱惡寒瘡黑倒靨手足並冷口渴飲湯此陽氣虛寒也用獨參湯四劑諸症漸愈而靨

一小兒蕪嘔手足並冷余謂脾氣虛寒欲用十二味異功散不信另用雜藥而歿

成都方士禹太和治痘瘡黑陷垂死者用壁間喜蛛如黃豆大者一枚搗爛一歲兒用雄黃一分二歲二分十歲者用一錢入蛛蜘蛛內研勻用好燒酒調服愚意此即木香散異功散之類也若因陽氣虛寒不能榮運週身以致四肢逆冷腹脹唇青黑陷者宜用燒酒若因元氣虛弱色白隱於肌膚而不能起發者宜用陳酒亦不可拘泥於燒酒也若小兒未

及週歲或兒大者宜酌量與之不可拘於杯  
許也又有一等症氣血俱虛者或色淡紅不  
光澤不起發或驚悸咬牙者加紫草紅花以  
用之

七味白朮散

方見發熱屬陰陽

十一味木香散

十二味異功散

二方見痘灰白色

癍爛

聞人氏云痘癍爛之症因當發散而不發散  
則毒氣閉塞以致喘促悶亂不當發散而誤  
發散則毒隨陽氣暴出於外遍身皮膚潰爛  
治宜調脾胃進飲食大便調和榮衛健旺毒  
氣自解而無目赤咽痛口瘡吐衄等症竊謂  
前症若發表過甚大便自利急用理中丸豆  
蔻丸以救其裡亦有痘疹如蚊所嚙而色黑  
乃危症也若大小便秘結煩躁用山梔子湯

獐猪尾血調腦子治之自利不食者不可用  
蓋毒發於表而妄汗之則腠理開泄榮衛益  
虛轉增瘡爛由是風邪乘虛變者症有之若  
毒根於裡而妄下之則內氣愈虛毒不能出  
而反入焉由是土不勝水變黑歸腎身體振  
寒兩耳尻冷眼合肚脹其瘡黑陷十無一生  
治者審之

一小兒患此發熱作渴手足並冷此脾經熱  
毒先用瀉黃散五分又用七味白朮散而愈  
一小兒患此但惡寒發熱體倦頭痛人迎脉  
大於寸口二三倍此風邪外傷用補中益氣  
湯加川芎蔓荊子愈而自靨

一小兒患此口舌生瘡手足並冷余謂此中  
氣虛而內熱耳用五味異功散議論不一猶  
豫未服翌日腹痛口噤余用前藥更加乾薑  
一劑諸症稍緩再劑而愈

小兒患此或痒或痛發熱口渴先用白朮散次用補中湯而愈後因作課勞心發熱頭痛痘痕焮赤用補中湯加蔓荊子及八珍湯而愈

小兒患此作痛喜飲熱湯發熱惡寒手足並冷余謂此中氣虛而外假熱也用補中湯加參芪各三錢四劑而愈

小兒患之多在兩脇時發寒熱此肝經之症用加味逍遙散而寒熱退又二劑而脇痛止及立効散而痊

小兒患之作渴發熱額間為甚此心經有熱先用導赤散母服漸愈又用柴胡梔子散傳三黃散而痊

小兒患之發熱作渴面目多白尺脉數而無力此稟足三陰虛也用地黃丸補中湯尋愈畢姻後患瘵症服黃柏知母等藥幾危余

仍用前藥而痊

一小兒患此體倦惡寒此脾胃氣虛也用補中益氣湯數劑而愈後因飲食停滯發熱而痘痕復赤先用參朮陳皮神麴山查消食仍用補中益氣湯調補脾胃而愈若誤用敗毒之劑決不起矣

一小兒痘愈後因勞痘痕作痒搔破膿水淋漓面色皎白脉浮大按之如無余用補中益氣湯漸愈或云先攻其邪而後補之乃用消風散變痘汗出口噤而死惜哉

山梔子湯治痘疹及癩毒狀如蚊蚤嚙毒盛黑色者

梔子仁一兩

白蘚皮

赤芍藥

升麻各一兩

寒水石

甘草各五錢

右為末每服一錢水八分入柴草

三黃散治疖熱生瘡膿水浸淫膿流處便濕



爛

松香

五倍子

黃連

黃丹

海螵蛸

各一錢

輕粉

雄黃

右為末用瑩肌散煎洗滲之乾者香油傅

豆蔻丸

方見泄瀉咬牙

五味異功散

補中益氣湯

二方見寒戰咬牙

柴胡梔子散

即柴胡清肝散

加味逍遙散

方見欲靨不靨

地黃丸

即六味地黃丸

七味白朮散

二方見發熱屬陰陽

瀉黃散

方見靨後發咽喉痛

導赤散

立効散

二方見風邪搏於肌膚

痘癩搗

錢氏云痘疹癩搐由內相勝也惟心癩脾疹能作搐蓋疹為脾所主脾虛而不勝土風熱相搏而動於心神心喜熱神氣不安因搐成癩癩為心所生心主熱熱生風風屬於肝二藏相搏風火相爭故發搐當瀉心肝若涼驚用涼驚丸溫驚用粉紅丸海藏云諸痛痒瘡瘍皆屬心火無論虛實皆從心火上說脾虛則肝氣乘之與心火相合耳若脾土實心火

旺而逆乘以致癩者此實邪也便結者瀉青丸便軟者瀉心湯潔古云未出而發搐者是外感風邪之寒內發心火之熱所作也當用解毒丸犀角地黄丸主之世傳云瘡疹欲出身熱煩躁忽發驚搐宜用驅風膏小如聖飲小便不通八正散痰涎壅盛利驚丸抱龍丸丹溪云欲發瘡疹先身熱驚跳搐搦此非驚風宜用發散之藥竊謂前症痘疹未見而先

發搐者乃毒氣自心經出也若病勢輕緩或形氣虛弱者不宜用峻厲之劑恐元氣內損則毒氣內陷而瘡不能起發也或外感風寒之邪內因瘡疹之熱而相搏或肝血虛火動而内生風當補元氣為主佐以見症之劑然前方多峻厲之劑審有是症方可用須察其色赤白而以脾胃為主虛則用溫補實則用  
至先發搐而後發瘡多有生意瘡已瘥

而發搐或吐瀉者難治

一 小兒痘痂脫盡因其穢氣用葱椒煎湯浴之發搐痰喘用八珍加白殭蠶蟬脫一劑痰喘頓止又用四君芎歸鈞藤鈎而搐止  
一 小兒痘瘡色赤四肢發搐眉唇牽動此心肝二經熱甚乘脾所致也用四君防風鈞藤鈎而痊

一 小兒痘後四肢發搐眉稜尤動小便頻數

臉目青赤此肝經風熱用四物柴胡山梔少  
愈但四肢倦怠飲食少思大便不實此脾氣  
受傷而未復也用四君升麻當歸而痊

一小兒痘後寅卯申酉時熱甚或蕪搐余謂  
寅卯時發熱此肝火本症申酉時發搐乃肝  
木侮金先以四物白朮茯苓鈎藤鈎煎送柴  
胡二連丸而愈夕用地黃丸朝用四君山梔  
柴胡及四君子加當歸而痊

一小兒痘瘡色赤發搐痰盛服抱龍丸而  
愈又因母大怒兒仍搐母服柴胡梔子散加  
味逍遙散母子並愈

一小兒痘愈後發搐左額青赤唇口牽動余  
謂肝心二經風熱所致先用柴胡梔子散加  
鈎藤鈎後用加味逍遙散而搐止再用五味  
異功散而痘愈

一小兒痘將愈發搐痰湧頭目不清脾氣虛

弱肝木侮之先用五味異功散加柴胡鈞藤  
鈞搖愈而靨

柴胡二連丸治肝經實大

柴胡

宣黃連

胡黃連

各末糊丸桐子大每服二三十丸白湯下

補中益氣湯

二方見寒戰咬牙

六君子湯

方見不靨悶亂

四神丸

方見泄瀉咬牙

十一味木香散

方見頭陷灰白

痘風

丹溪先生曰痘風分氣血虛實虛則黃芪生  
血之劑主之佐以風藥實則白芍黃芩為君  
連翹白芷斷續之類為佐竊謂前症更當分  
痘瘡已出未出已靨未靨外邪所傷內虛火  
動若未出而搖搦熱毒內蘊也紫草快癩湯  
加鈞藤鈞已出紅綻而搖搦熱毒作痛也東

垣消毒散加釣藤鈎貫膿而搐搦血氣虛也  
參芪四聖散加釣藤鈎若靨後而搐搦血氣  
尤虛也八珍湯加釣藤鈎或目瞶或直視者  
風火相搏也柴胡梔子散或六味地黄丸加  
柴胡山梔或口角流涎者木乘土也五味異  
功散加升麻柴胡釣藤鈎或目赤眵淚者肝  
血虛而生風也四物湯加柴胡釣藤鈎或角  
弓反張者水不生木也六味地黄丸加柴胡  
當歸隨用補中益氣湯加天麻釣藤鈎不可  
直用治風之藥蓋風藥能燥血散氣必驗其  
手足冷熱溫和三症而用補瀉調理之法庶  
無誤矣如嬰兒當審乳母而治之  
一小兒痘瘡將愈發搐服牛黃清心丸更口  
噤流涎此脾胃復傷肝木所侮而涎不能歸  
經耳先用五味異功散加釣藤鈎諸症頓減  
次以五味異功散加柴胡而安

一婦人出痘因怒發搐痘痕赤色發躁作渴  
面目皆赤此汗多亡陽血脫而然也先用當  
歸補血湯二劑躁渴頓止又用八珍柴胡牡  
丹皮鈞藤鈎熱搐悉愈又用八珍湯而痊  
一婦人痘瘡將愈因怒發搐口噤頭痛如裂  
痘痕皎白用補中益氣湯加蔓荊子鈞藤鈎  
頓愈又因怒發搐頭運不食先用補中益氣  
湯加天麻又六君柴胡而安

當歸補血湯治痘瘡血氣虧損發搐熱渴喜  
飲脈洪大而虛重按如無者

方見寒戰咬牙

抱龍丸治痘瘡風熱發搐或痰甚者

膽星

四兩

天竺黃

一兩

雄黃

硃砂

各五錢

麝香

少許

右為細末用甘草一觔煎膏為丸每一兩  
作二十九丸用薄荷或燈心湯化下  
按前方肝經清熱豁痰利氣祛風之藥過

劑則脾肺復傷而反甚或更加胃腹作脹  
食少作嘔者宜用人參白朮散倍補中氣  
造牛膽南星法蜡月南星中大者為末用黃  
牛膽汁拌勻仍入膽殼內以線扎口懸掛  
當風處陰乾隔年方可用重製二三次者  
尤妙

小柴胡湯

方見癩症

柴胡二連丸

方見前

六味地黄丸

方見發屬陰陽

四物湯

方見痘瘡出遲

十全大補湯

方見腹脹氣促

痘潮熱

張潔古先生云痘疹未有不因潮熱而出者  
觀其熱之時知自何臟發出寅卯辰時屬肝  
出水泡巳午未時屬心出癩瘡申酉戌時屬  
肺為膿泡亥子丑時屬脾出疹子惟腎獨居



腑下不受穢濁故無症耳竊謂前症當察其  
虛實若壯熱飲水便秘屬實熱也少用清涼  
飲下之發熱飲冷大便不秘屬虛熱也宜人  
參白朮散補之若下而發熱愈甚此陰虛而  
陽無所附也用四物參芪之類補之若下而  
潮熱面赤者血氣發躁也用當歸補血湯補  
之若見驚搐等症乃肝虛而內生風也用四  
物天麻釣藤鈎補之用發散之劑而熱愈甚

此表虛而外熱也用四君當歸黃芪補之  
一小兒先潮熱午前甚面青痘赤出而熱不  
止或時發搐手足不熱不冷此陽明胃經症  
為肝木所侮先用補中益氣湯加釣藤鈎四  
劑而熱止痘色紅活乃去鈎藤鈎又四劑而  
貫漿用八珍湯而痊

一小兒痘紅活寅卯時潮熱作渴此肝經風  
熱症用柴胡梔子散末三服熱止漿貫又用

八珍湯山梔丹皮而靨

一小兒靨後潮熱手足微冷余謂胃氣虛弱用五味異功散佐以補中益氣湯而愈因飲食過度前症復作更腹脹大便不實小腹重墜此脾虛也用補中益氣湯而痊

一小兒痘後不時寒熱噫氣飲食吞酸服二陳枳實黃連更寒熱如瘡腹墜下氣此中氣復傷而下陷也朝用補中益氣湯夕用五味

異功散各加乾薑木香而愈

一儒者先潮熱出痘面青脇痛此肝經之症用四君柴胡當歸山梔二劑脇痛稍緩又佐以加味逍遙散而痛止却用托裡散漿貫而靨後又潮熱用地黃丸而愈

一婦人患此誤服寒涼之劑煩躁作渴飲沸湯而不知熱脉洪數按之微細此血氣俱虛用大劑十全大補湯加薑桂四劑更惡寒咬

牙此虛極而藥力未能及也於前藥內更加  
附子一片二劑諸症頓退乃去附子又二劑  
將安去薑桂常服而痊

一小兒痘愈後潮熱飲食少思面色痿黃久  
治不愈熱後面與手足如冰余謂脾氣虛寒  
當用六君薑桂不信而死手足皆黑惜哉

柴胡梔子散治痘瘡肝經有熱寅卯時發熱  
或寒熱往來或發熱驚搐或咬牙不止四

肢勁強

方見濃水淋病

加味道遙散

即道遙散加牡丹皮山梔

治因乳母肝脾血

虛發熱致兒發潮熱瘡不能愈者

方見欲

人參白朮散

六味地黃丸

二方見發熱屬陰陽

八珍湯

方見頂陷灰白

清涼飲

方見大便不通

托裡散

方見痘癰

十全大補湯

方見腹脹氣促

四君子湯

方見不醫悶亂

當歸補血湯

補中益氣湯

五味異功散

三方見寒戰咬牙

四物湯

方見痘出遲

痘吐逆

世傳方云痘瘡吐逆無痰益黃散有痰二陳

湯或橘皮湯半夏湯不止加丁香若吐而瀉者亦宜益黃散及陳氏木香散異功散吐而身熱煩渴腹滿氣促大小便澀而赤者當利小便竊謂前症若手足並冷渴飲熱湯或腹作痛中氣虛寒也宜用益黃散手足不冷吐逆痰涎中氣虛弱也宜用橘皮半夏湯手足並熱熱毒壅滯也宜用導赤散口乾飲乳不徹胃經氣熱也宜用竹葉湯吐逆不乳或吐

乳酸穢此脾氣虛而乳食停滯也宜用枳朮  
丸

一小兒痘不紅活手足微冷此陽氣虛弱也  
先君用五味異功散加乾薑肉桂二劑乃去  
薑桂加木香又二劑而愈

一小兒十一歲出痘第九日吐逆不食手足  
並冷此陽氣虛寒之極也用十二味異功散  
一劑頓愈用五味異功散而安用參芪四聖

### 散而靨

一小兒吐逆作渴手指並熱此胃經有熱也  
用竹茹湯而熱稍止用人參胃愛湯而吐亦  
止用化毒湯而貫膿四聖散而結靨

一小兒吐逆作瀉腹脹煩渴痘出不快手指  
微冷用七味白朮散而諸症退用四聖散而  
諸痘出用人參蟬蛻散而諸痘靨

一小兒吐逆腹脹發熱作渴大便乾臭此因

腸胃實熱用竹茹湯加黃連枳殼諸症稍退  
用紫草快斑湯瘡勢頓發如期而靨

一小兒痘出甚密嘔逆飲冷手足並熱此胃  
經熱甚先用葛根麥門冬散一劑熱症頓退  
又用瀉黃散末一錢用米飲調服而安用白  
朮散而痊

人參胃愛散治痘瘡已發未發吐瀉不止不  
思飲食或吐逆等症

人參

藿香

紫蘇

甘草炒

丁香

茯苓

木瓜各等分

糯米

右每服三錢薑棗水煎

葛根麥門冬散治熱毒斑疹頭疼壯熱必神

煩悶亂吐逆者

方見頂腦心煩

按此陽明胃經之藥也外除表邪內清胃  
火兼補元氣若非發熱作渴表裡俱實者

不可用若表裡俱虛而發熱作渴宜用人

參麥門冬散

七味竹茹湯

橘紅

半夏

各等分

白茯苓

二分

甘草

竹茹

黃連

薑炒

葛根

各二分

右薑水煎服

人參蟬蛻散治小便不利痘瘡不發煩躁作

渴咬牙喘滿

人參

蟬蛻

白芍藥

木通

赤茯苓

甘草

紫草茸

右每服三四錢水煎

橘皮半夏湯

橘皮

半夏

等分

右每服三錢薑棗水煎

化癩湯

方見水痘麻痘

紫草快癩湯

方見痘陷心煩

六君子湯

方見痘腹脹

導赤散

方見風邪搏於肌肉

十一味木香散

十二味異功散

二方見痘灰白色

六味地黄丸

七味白朮散

二方見發熱屬陰陽

四聖散

方見涕唾稠粘

五味異功散

方見寒戰咬牙

咳嗽

痘疹方云痘瘡未出之先咳嗽升麻湯頭疼身熱惡寒咳嗽參蘇飲嘔吐痰涎白朮湯時氣頭疼咳嗽或靨後餘毒咳嗽惺惺散瘡不起發升麻湯感寒頭痛悶亂咳嗽木香散發熱嗽甚別無他症生地黃散風熱咳嗽五味



子湯咽喉不利甘桔防風湯竊謂痘疹未出欲出之際乃熱毒上薰清道肺氣不寧宜用惺惺散若已出之後則屬元氣虛弱不能固衛腠理風邪乘虛而襲宜用五味異功散加桔梗五味子以補脾肺

一男子咳嗽嚏噴腮頰赤目胞皆赤遍身赤痛余謂此心臟痘疹彼疑惑而未用藥旬餘皆紅活起發余謂既紅活起發不必服藥至

十七日大便下血膿瘡痂而痊

一小兒痘赤壯熱咳嗽痰甚煩熱作渴用人參清膈散一劑諸症頓退日用芹菜汁旬餘而靨

一小兒痘漸愈咳嗽肺脉大而無力用參蘇飲咳嗽漸愈因母飲酒又復咳用五味異功散加桑白皮杏仁山梔母子並服而愈

一小兒痘瘡十二日患咳嗽唾痰留甲隱痛

肺脉數滑余曰此兼患肺癰也當用桔梗湯不信翌日果吐膿血用桔梗湯而愈

一小兒十四歲痘愈後咳嗽脉數而無力朝用補中益氣湯夕用六味丸料各數劑漸愈畢姻後咳嗽發熱仍用前藥及八珍等藥而痊

一小兒痘將愈咳嗽面色黃白嗽甚則赤用五味異功散調補而愈

生地黄散治小兒斑疹身熱口乾咳嗽心煩等症

生地黄兩半 麥門冬去心七分 杏仁

款冬花 陳皮各三錢 甘草炙二錢半

右每三五錢水煎徐徐服兒大加之若痰氣痘熱內作宜用桔梗甘草防風湯若痰上壅者佐以抱龍丸

桔梗湯治久嗽肺氣傷而吐痰有血痰或腥

穢或咳吐膿血肺癰等症

桔梗炒

貝母去心

知母

桑白皮

枳殼各一錢

地骨皮

瓜蒌仁

薏苡仁

杏仁各五分

當歸

黃芪微炒各一錢

五味子

百合

炒各一錢五分

防已

一錢

葶藶

炒五分

右每服三五錢水煎服

甘桔防風湯治痘症餘毒瘡毒咽痛

桔梗

甘草

防風

右水煎服

六味地黃丸

七味白朮散

二方見發熱屬陰陽

五味異功散

補中益氣湯

當歸補血湯

三方見寒戰咬牙

十六味清膈散

即人參清膈散方見頂陷心煩

惺惺散

方見癩症

五味子湯

即小柴胡湯加五味子

參蘇飲

方見涕唾稠粘

喘症

痘疹方若云痘瘡已出未靨之間喘渴白木散甚者木香散收靨後腹脹喘渴大便利小便澁葶藶木香散喘嗽五味子湯喘渴靨後餘毒不除大便堅實前胡枳殼散頭疼身熱

惡寒微喘是有表邪也用參蘇飲竊謂前症若因脾肺虛弱宜用白朮散脾肺虛寒宜用木香散熱毒內蘊紫草甘草枳殼湯風邪外感用參蘇飲內外壅滯人參清膈散大便自利小便澁滯葶藶木香散大便堅實前胡枳殼散

一小兒痰喘痘赤作痛熱渴喜飲冷水大便不利此胃經實熱先用前胡枳殼散諸症漸

退又用犀角地黄湯而靨

一小兒面赤有痰口乾作渴右寸口脈洪數此心火刑肺金用人參平肺散一劑又用地黃丸料四劑而痊

一小兒痘赤而痛喘嗽作渴脈洪數左尺右寸爲甚此腎火上炎乘肺爲患用地黃丸料煎與恣飲如期而靨

一小兒十四歲痘方愈而喘促咳嗽余謂脾肺氣虛用五味子湯而愈後停食發熱喘嗽用五味異功散而安用補中益氣湯而痊

一男子出痘愈而喘嗽面赤服參蘇飲面色痘痕皆白此脾肺氣虛而復傷也用補中益氣五味異功散而痊

一小兒喘渴面白手足時冷此脾肺氣虛用人參白朮散五味異功散而愈

一小兒痘將愈喘渴腹脹大便不結下泄

此脾肺氣虛而然也先用葶藶木香散又用人參白朮散而愈

一小兒痘出氣喘大便秘結手足並熱作渴飲冷用前胡枳殼散而安但飲食少面白此邪氣去而真氣虛也用補中益氣湯五味異功散而愈

一小兒十四歲痘方愈而喘手足不熱余謂脾肺氣虛用補中益氣湯而愈後停食發熱

手足不冷余謂脾胃虛熱而喘嗽用五味異功散二劑而熱退又用補中益氣湯而愈

一小兒痘瘡狂喘躁熱作渴飲冷痰涎不利先君謂熱毒壅滯用人參清膈散犀角地黃湯各一劑頓愈又用當歸補血湯而愈

一男子痘愈而喘嗽面赤服發表之劑喘嗽益甚面色痘痕皆白手足並冷余謂脾肺之氣復傷而虛寒也用補中益氣湯加乾薑一

劑元氣漸復却佐以八珍湯而痊

一男子痘愈而患喘發熱惡寒余用十全大

補湯不信反服清熱之劑汗出如雨身熱如

灸面目痘痕如赭赤余曰汗多亡陽而虛熱

也不信後果歿

六味涼血消毒散

犀角

如無用  
升麻

牡丹皮

當歸

生地黄

赤芍藥

生甘草

等分

右每服三五錢水煎

紫草甘草枳殼湯

紫草

甘草

枳殼

各等分

右每服一二錢水煎

五味子湯

參蘇飲

前胡枳殼散

三方見涕唾稠粘

六味地黄丸

保嬰撮要卷十九  
人參白朮散 一名七味白朮散  
二方見發熱屬陰陽

聖濟犀角地黄湯

人參清膈散 即十一味清膈散  
方見頂陷心煩

十一味木香散 方見痘灰白色

葶藶木香散 方見腹脹氣併

保嬰撮要卷十九 畢





保嬰撮要卷二十 續集

明太醫院院使薛己著

小便不利

痘疹方云痘疹未出之先熱盛恐欲起驚小便不利導赤散微解之熱入膀胱如有血淋犀角湯初出不快小便赤色生聖散已出未愈之間白朮散或五苓散加木通收靨之後小便不利煩熱而渴猪苓湯竊謂前症當分

所因若小腸熱結用導赤散肝經熱用柴胡  
麥門冬湯脾經熱用犀角湯肺經熱用生地  
黃湯腎經熱地黃丸靨後氣血虛弱用八珍  
湯中氣虛弱用五味異功散

一小兒小便不利口舌生瘡乾渴用導赤散  
加味四物湯而膿貫又用白朮散去木香治  
之而愈

一小兒小便不通口舌如糜作渴面赤左尺

脈數此膀胱熱結先用五淋散而小便利又  
用地黃清肺飲參芪四聖散而愈

一小兒小便數而欠利面赤口渴兩足發熱  
此稟陰虛也地黃滋腎二丸煎服用四劑而  
愈又用地黃丸料加黃芪當歸而全愈

一小兒痘將愈小便不利服五苓散之類小  
便愈少喘咳唾痰此脾肺復傷也先用補中  
益氣湯二劑送滋腎丸却用補中異功二藥

而痊

八正散治下焦積熱大小便不通或小便淋澀脉症俱實者

大黃酒炒

車前子炒

瞿麥

匾蓄

山梔炒

木通各一錢

滑石煨二錢

甘草一錢

右每服二錢水煎

滋腎丸

黃柏炒黑

知母炒黑各二兩

肉桂二錢

右為末水糊丸

益元散治痘疹初起煩躁作渴小便不通

滑石六錢

甘草一錢

每服五六分白湯調下

導赤散治小腸實熱生瘡作渴發熱小便秘

赤或小便利者

方見作痒搔破

柴苓湯治疹瀉小便不利

方見斑症

五苓散

茯苓

猪苓

白朮

澤瀉

各等分

肉桂

減半

右為末每服四分白湯調下

黃芩清肺飲

黃芩

炒

山梔

炒等分

右每服二錢水煎

生地黄湯

生地黄

五錢

麥門冬

七錢

杏仁

去皮尖二錢

款冬花

陳皮

各三錢

甘草

二錢五分

右每服二三錢水煎

紫草木通湯治痘疹出不快小便不利

紫草

人參

木通

茯苓

糯米

各等分

甘草

減半

柴胡麥門冬散

方見作痒抓破

犀角湯

方見頂陷心煩

生聖散

方見痘瘡出遲

加味四物湯

方見痘入目

白朮散

即七味白朮散

六味地黄丸

二方見發熱屬陰陽

痘便血或黑屎

聞人氏云痘瘡大便下血或黑糞若睡而不醒是為惡候乃內熱盛也用犀角地黄湯抱龍丸小柴胡湯加生地黄主之竊謂前症若

寒熱作渴小柴胡加生地黄發熱體倦用五味異功散加當歸口乾作渴用人參白朮散大凡作渴引飲發熱者屬實熱作渴飲湯手足不熱者屬虛熱手足逆冷者屬虛寒治者審之

一小兒出痘便血痘赤痛如錐或瘡內出血余謂肝火熾盛用小柴胡湯加生地黄一劑隨用犀角地黄湯一劑而痊

一小兒痘瘡下血且不起發先君謂氣血不足用紫葺快癍湯加參芪歸朮血頓止瘡頓起用八珍湯而愈

一小兒痘瘡下血小便赤色瘡色如赭發熱飲冷二便不利先君謂心小腸實熱用八正散後用解毒防風湯及飲芹菜汁而痊

一小兒痘疹便血倦怠作渴飲湯余謂倦怠便血脾虛下陷也少食作渴津液枯涸也用

五味異功散加紫葺而愈

一小兒便血腹脹困倦身熱口乾飲湯四肢逆冷先君謂脾氣虛寒不能攝血用五味異功散加丁香炮薑二劑血止痘貫而靨

一小兒痘將愈而便血面白惡寒大便秘去而不去余謂此元氣虛而下陷也用益氣湯不信服涼血之劑致吐瀉腹痛而歿

一小兒痘將愈患便血面白惡寒手足並冷

脈沉細如無余謂陽氣虛寒欲用人參薑桂  
不從翌日而死手足青黑惜哉

解毒防風湯治痘瘡毒氣熾盛便血

防風

地骨皮

黃芪

白芍藥

炒

荆芥

牛蒡子

各等分

右每服四錢水煎或為末白湯調下

紫草快癍湯治痘疹下血不能起發出不快

色不紅活等症

即紫草湯方見頂陷心煩

聖濟犀角地黄湯治熱毒內蘊煩躁作渴面

色赤大便黑屎或神昏便血

方見痘作渴

小柴胡湯治肝經有熱不能藏血而便血

方見

痘身疼

五味異功散治脾胃氣虛不能統血而大便

下血

方見寒戰咬牙

八珍湯治氣血不能攝血而便血

方見頂陷灰白

八正散治心小腸有熱小便赤澀大便下血

方見痘  
便利

七味白朮散

即人參白朮散  
方見痘發熱

痘瘡焮裂出血

聞人氏云痘瘡大便不通小便如血或結癰  
毒身痘破裂乃內火熾盛失於解利急用犀  
角地黄湯小柴胡湯加生地黃四順飲之類  
治之竊謂前症若心脾熱盛用犀角地黄湯  
心肝熱盛用小柴胡湯加生地黃若大便不

通先用四順飲次用犀角湯若色赤焮痛二  
便不通急用活命飲加硝黃若色赤焮痛惡  
寒發熱用活命飲加麻黃若因乳母怒火用  
加味逍遙散加味歸脾湯

一 小兒痘根赤色寒熱作痛此肝經有熱也  
先用加味小柴胡湯二劑諸症漸退又用加  
味逍遙散一劑而貫膿末用八珍湯而靨  
一 男子痘根赤痛發熱作渴服紫草飲痘裂



出血余謂心肝二經風火相搏先用小柴胡湯加生地黃犀角二劑用聖濟犀角地黃湯而愈

一小兒患前症大便不利小便赤澁作渴飲冷先君謂腸胃實熱先用涼膈散一劑漸愈又用犀角地黃湯芹菜汁而痊

一小兒患此診乳母有鬱火用加味道遙散加味歸脾湯而痊同時患是症而用雜藥者

俱致不救

涼膈散治上焦實熱煩渴面赤咽燥喉痛便

溺赤潛狂言譫語睡卧不安

大黃

朴硝

甘草

連翹

山梔

黃芩

薄荷葉

各等分

右爲細末每服少許煎竹葉蜜湯調乳母

同服

加味清胃散

方見痘癰

加味逍遙散

方見痘潮熱

犀角地黄湯

方見頂陷心煩

加味小柴胡湯

即小柴胡湯加山梔生地黃

八珍湯

方見頂陷灰白

聖濟歸脾湯

方見痘癰

痘衄血吐血

痘疹方云若痘發之際正宜微見與發汗同

體然血與汗雖殊其源則一蓋痘疹乃穢血所發邪結肺胃毒氣自然上越也若見此症不可妄投以藥恐治失其宜瘀蓄者不出而已出者復傷反生變症也若作渴飲冷手足並熱此毒氣熾盛而血上溢也宜用聖濟犀角地黄湯若肺經熱毒而鼻衄用地黃清肺飲胃經熱毒而吐血亦用聖濟犀角地黄湯若腸胃熱毒而便血亦用之作渴飲湯手足

不熱者脾肺氣虛不能攝血而妄行也宜用  
五味異功散若出血作渴煩躁面赤色者血  
脫也宜用當歸補血湯

一小兒出痘三四日大便下血日有數滴至  
八日不能止瘡不能起御醫錢春林謂其脾  
氣虛寒用木香散二劑加丁香十一粒人參  
五錢次日痘起有膿由是血止二十餘日而  
愈

一小兒痘瘡紅活但不時作痒口渴便血面  
赤先君謂腸胃有熱用聖濟犀角地黄湯加  
柴胡一劑諸症漸退用四君加當歸紅花而  
愈

一小兒痘瘡赤痛煩熱作渴或便血衄血先  
君用犀角地黄湯而血止又用紫草快癍湯  
而痛愈後瘡痕色白用四君黃芪當歸而痊  
一小兒衄血左寸脉數此肺金有火也用瀉

白散而血止但四肢倦怠用益氣湯而愈

一小兒痘痛赤色吐血發熱此胃經熱毒也  
先用聖濟犀角地黄湯諸症漸愈又用五味  
異功散而痊

一小兒痘後衄吐面色黃白因脾肺氣虛弱  
用麥門冬散而愈後因勞衄血發熱痘痕赤  
色用四君歸芪而衄止用五味異功散而熱  
退

二小兒痘後衄血發熱則痕赤熱止則痕白  
此脾胃氣虛也朝用補中益氣湯加乾薑夕  
用五味異功散加當歸而愈

一小兒痘後衄血頭運唇白惡心此中氣虛  
而清陽不能上升也用補中益氣湯加蔓荆  
子稍愈去蔓荆子又數劑而痊

一小兒痘後非衄血即便血痘痕赤白靡定  
手指冷熱無常余謂此元氣虛而無根之火

倏往忽來也朝用補中益氣湯夕用五味異功散各二十餘劑而愈後因勞心復發仍用前二藥為主佐以十全大補湯而愈  
瀉白散

桑白皮炒 甘草 地骨皮

右每服二三錢水煎

人參竹葉湯治虛煩不得寐或兼自汗

人參 竹葉 甘草各二錢

半夏二錢五分 小麥 麥門冬各一錢半

右每服二三錢薑二片粳米一撮水煎服

八珍湯

十一味木香散二方見頂陷灰白

五味異功散

當歸補血湯二方見寒戰咬牙

紫草快癍湯方見便血尿黑

四君子湯即六君子湯去陳皮半夏方見不膈悶亂

十全大補湯

方見腹脹氣促

### 痘煩躁

東垣云火入於心則煩入於腎則躁皆心火為之蓋火旺則金爍水虧故心腎合而為躁也宜用梔子豆豉湯凡痘瘡盛作之時必令心火有所導引苟或毒氣出而未盡遂生煩躁以生黑豆煎湯或生犀磨汁飲之亦可若津液不足虛煩不得卧者活人酸棗仁湯此

症多因脾胃氣虛或服剋伐之劑所致但當調補中氣為善

一小兒患此飲冷不止或作脹痛余謂胃火所致用犀角地黄湯芹菜汁而頓愈

一小兒煩躁作渴飲冷不止先君謂脾胃熱毒用犀角地黄湯而愈後復作喜飲熱湯面目赤色用當歸補血湯而痊惟倦怠少食用白朮散而愈

一小兒貫膿之際煩躁不寧肝脾脈數用聖濟犀角地黄湯一劑稍止用八珍湯加牡丹皮而止又二劑漿漸貫却用內托散倍用參芪歸朮而靨

一小兒痘將貫膿煩躁面赤脈數大而虛此氣血虛也先用參芪四聖散又用當歸補血湯而愈

一小兒出痘煩躁作渴面赤口乾脈洪而大按之無力兩尺爲甚此稟腎不足陰虛而火動也用大劑地黄丸料加五味子煎與恣飲諸症頓減乃佐以補中益氣湯二劑痘齊乃用參芪四聖散而靨

一小兒出痘煩躁作渴飲湯面目赤色脈數無力兩尺爲甚此稟足三陰虛也用益氣湯及地黄丸料加五味子大劑始末服而靨一男子出痘煩躁作渴虛症不能悉舉先君

用益氣湯地黃丸料加五味子各三十餘劑  
更用人參五觔煎湯代茶飲兩月餘而瘡又  
用參芪歸朮各數斤半載始能步履得元氣  
充實且慎調攝而痊

一小兒十五歲痘將愈而煩躁脉數而無力  
勞則益甚且無寐或驚悸余用歸脾補中二  
湯漸愈後因勞仍作或用四物化痰之劑前  
症益甚更發熱惡寒頭運而歿

一小兒痘愈後煩躁面赤脉洪大按之如無  
余謂血虛朝用補中湯夕用歸脾湯將愈因  
飲食過多功課勞心吐瀉腹痛頭運惡寒反  
服藿香正氣散發熱如炙汗出如雨手足並  
冷而歿

活人酸棗仁湯治痘疹虛煩驚悸不得眠

酸棗仁炒 甘草炙 知母炒

白茯苓 麥門冬去心 川芎



乾薑

炒各三分

右水煎溫服兒大倍之

梔子豆豉湯

山梔

四箇

豆豉

半兩

右水二盞先煮梔子一盞內豆豉煎至七分去滓溫服得快吐即止後服

當歸六黃湯治血氣不足虛火內動或煩躁盜汗不止

當歸

熟地黄

黃芪

炒

黃栢

已下俱炒黑

黃芩

黃連

生地黄

右每服三五錢水煎

八珍湯治氣血俱虛或用剋伐之劑脾胃虛

損肌肉消瘦發熱惡寒飲食少思等症

見方

頂陷  
灰白

補中益氣湯

當歸補血湯

二方見寒戰咬牙

六味地黃丸

方見痘發熱屬陰陽

聖濟犀角地黃湯

方見頂陷心煩

內托散

即托裡散  
方見痘癰

七味白朮散

方見痘發熱屬陰陽

### 痘腹痛

婁全善先生云痘腹痛多是熱毒為患當臨症消息之又云痘出腹痛或身痛脉洪數者

用解毒涼藥加芍藥甘草竊謂前症若痘未出而發熱煩躁或作渴飲冷大便堅實此熱毒壅滯也用疎利之藥若痘已出而不熱躁不飲冷大便不實此元氣虛弱也用白朮散之類補之若噉腐吞酸大便穢臭乳食停滯也用保和丸消之凡腹痛作渴飲冷手足並熱者屬實熱作渴飲湯手足並冷者屬虛寒虛寒者當溫補脾胃虛弱者當調補脾胃

一小兒善食作渴腹痛便秘痘痕赤色先用加味四物湯而愈後仍痛惡食此脾胃受傷用白朮散而痊

一小兒痘將靨腹脹發熱面赤午後益甚按其腹不痛余謂脾虛用五味異功散而痊

一小兒出痘腹痛大便似利寒熱往來余以爲脾氣虛用白朮散而痊

一小兒出痘腹痛作渴飲食如常光澤紅活此胃經實熱先用瀉黃散一劑頓安又用白朮散而痊

一小兒痘後腹痛作渴飲冷便秘用清涼飲末五分頓安後腹痛吐瀉發搐用白朮散加釣藤鈎而愈

一小兒出痘腹痛噯腐吞酸此飲食停滯先用保和丸二服續用五味異功散而痛止又用托裡散而靨

人參理中湯治脾胃虛寒胸膈痞滿或心腹  
疼痛痰逆嘔吐少氣或霍亂吐利手足厥  
冷不喜飲水加附子理中湯名附子  
理中湯

人參

白朮

乾薑炮各  
等分

甘草

炒減  
半

右每服三錢水煎或研末白湯調下

一味異功散治小兒諸猒釣症角弓反張胸  
膈臍凸以透明沒藥為末薑湯調下

桔梗枳殼湯治氣壅痞結腹脇疼痛

桔梗

枳殼

炒各  
一兩

甘草

炙

右每服二三錢薑水煎

七味白朮散治肚腹作痛和胃氣生津液若  
脾胃氣虛作渴飲湯或因吐瀉津液虧損  
煩渴引飲或脾胃氣虛腹脹瀉渴弄舌流  
涎手足指冷並宜服之以溫補脾氣化生  
津液方見發熱屬陰陽

保和丸治飲食停滯腹痛或惡寒發熱不可多服

神麩炒

山查

半夏

茯苓

陳皮各一兩

連翹

蘿蔔子

各五錢

右為末粥飯丸小豆大每服二三十丸白湯送下化服亦可加白朮名大安丸

六君子湯治脾胃氣虛肚腹作痛或吐瀉不

食或肺虛痰喘氣促惡寒或肝虛驚搐眩

暈自汗諸症並宜服即四君子湯加陳皮

半夏

方見不屬悶亂

瀉黃散

方見痘瀉渴

五味異功散

方見寒戰咬牙

聖濟犀角地黃湯

方見頂陷心煩

托裡散

方見痘癰

四物湯

方見痘瘡出遲

清涼飲

方見痘大便不通

### 痘腰痛

經曰腰者腎之腑若痘瘡而見前症者皆因腎經虛怯相火內燥真陰不能勝邪故腰作痛也急服地黃丸以防變黑歸腎乃克有濟大抵此痘因稟賦腎家精氣不足故目睛多白俗謂之拆腰痘是也若平素面白眼白睛多行遲語遲者出痘必歸腎經預為調補腎

### 氣庶免此患

一小兒十三歲眼睛多白或時面赤常患頸痛尺脉洪數先君謂稟腎氣虛用地黃丸料煎服而愈至十五歲出痘先君云須多服前藥仍用地黃丸益氣湯更作倦怠乃以地黃丸大劑煎與恣飲又用大劑八珍湯痘漸出如式恪服前藥至暮歲二藥計十七斤餘而愈先君每見嬰兒白睛多面色白或色赤令

其預補脾腎以防出痘但信者少耳

一小兒出痘腰痛足熱發渴此稟腎虛火動也先君用大劑加減八味丸料煎與恣飲諸症漸退佐以大劑八珍加紫草糯米數劑膿漸貫仍用前藥而結痂用八珍湯而靨

一小兒出痘將愈因停食泄瀉作渴腰痛此脾腎虛弱也先君用加減八味丸料及五味異功散渴瀉頓止又與六味丸料及八珍湯

而靨

一小兒出痘愈後腰足作痛此稟足三陰虛也用六味丸料煎服及補中益氣湯而愈後又傷食作瀉腰痛用四神丸六味丸而愈

一小兒面色常白目睛多白時常腰痛兩足時熱冬不衣綿年九歲先君謂稟腎虛令每日服地黃丸至十歲出痘腰痛發渴面赤飲冷用地黃丸每劑加肉桂半錢煎與恣飲數

劑之後熱渴頓止腰痛頓愈却去肉桂仍與服之至五十餘劑而靨

一小兒痘愈後腰痛口渴兩足生瘡飲水不絕此稟足三陰虛先君用地黃丸益氣湯至畢姻後不慎起居復患瘰癧以致不起

一小兒面素白發熱作渴或面生瘡先君謂腎虛用加味地黃丸補中益氣湯而愈後出痘腰痛仍用前藥而痊次年畢姻患腎痿而

卒

加味地黃丸

熟地黃

酒浸蒸九晒乾  
八兩酒拌杵膏

山茱萸

肉

乾山藥

五味子

炒各  
四兩

澤瀉

白茯苓

牡丹皮

鹿茸

灸各  
三兩

肉桂

厚者去皮取肉一兩發熱者以此  
加之引虛火歸腎經而熱自止也

右各另為末入地黃和勻量入米糊丸服

煎服更好



六味地黄丸

方見發熱屬陰陽

五味異功散

補中益氣湯

二方見寒戰咬牙

八珍湯

方見頂陷灰白

八味丸

即六味丸加附子肉桂各一兩  
方見痘作渴

二神丸

四神丸

二方見痘作瀉

痘面青

聞人氏云痘疹屬火症其面色赤者為順甚者為熱若肝木剋制脾土致面色青者是為逆也急用四君升麻柴胡調補脾胃色正纔治竊謂前症若傷食而嘔吐搐搦脾氣受傷而瀉利搐搦或厥逆皆慢脾風之漸也用人參理中湯加柴胡釣藤鈎治之或有少誤多致不起若有痘毒內外鬱蒸發出遇風寒相搏凝滯於肌肉遍身皮膚青色者用透肌散

胃傷則生風嘔吐脾傷則生風厥逆用五味異功散加天麻若瘡密熱盛便秘飲冷面赤者用犀角解毒散貫漿之後發熱煩躁作渴面赤者用當歸補血湯足熱腰疼目睛赤者地黃丸此要法也

一小兒痘瘡紅活起發因飲食過多吐瀉腰痛唇面青色手足並冷此脾胃虛寒而受尅也先君用六君薑桂一劑前病不退痘色欠

赤再劑加附子二分諸症頓退翌日用參芪四聖散二劑將愈更用八珍湯內參芪各五錢四劑而瘳

一小兒出痘飲冷過多腹痛面青手足並冷此寒邪傷脾而虛寒也用附子理中湯一劑而痛止用人參一兩薑一錢二劑而膿貫又用人參煎湯代茶與飲月餘而瘳

一小兒出痘面青腹痛手足並冷此脾氣虛

寒也先用五味異功散加木香肉桂又用內托散參芪四聖散貫膿痂靨

一小兒出痘面青腹痛手足並冷此脾土虛寒也先服益黃散末三錢再以六君木香而安又傷食作瀉面青用五味異功散而痊  
一小兒出痘面色青手足冷此寒水侮土非十二味異功散不能救不信乃服踈通之藥歿而遍身皆青悔無及矣

### 六君子湯

四君子湯 二方見不靨悶亂

人參理中湯 加附子名附子理中 切

### 五味異功散

當歸補血湯 二方見寒戰咬牙

內托散 即托裡散 方見痘癰

十二味異功散 方見頂陷灰白

參芪四聖散 方見腹脹氣促

六味地黃丸

方見發熱屬陰陽

犀角地黃湯

方見頂陷心煩

痘痕赤白

痘痕赤白各有所因治法亦異凡痕赤而作痒血虛而有熱也用四味牡丹皮赤而作痛餘熱也用四君連翹金銀花若發熱而大便調和者脾胃虛熱也用五味異功散若發熱而大便秘結者腸胃內熱也用聖濟犀角地

黃湯若母有肝火用加味逍遙散若母有鬱怒用加味歸脾湯佐以加味逍遙散治之痕白者多屬氣虛而血衰也宜固元氣為本痒而作渴者氣血俱虛也十全大補湯之類乳食減少四肢倦怠者中氣虛也五味異功散之類氣虛發熱者補中益氣湯之類血虛發熱者當歸補血湯之類須參蕪變之証治之此症若服藥而漸紅活者可治色不轉者不

治雖經年後多患瀉利而死若立投攻伐禍在反掌

一小兒痘瘡如期而愈痕赤如赭余謂此乳母有熱也診之果有肝脾鬱火亦用加味道遙散四劑與母服之子各飲少許而並愈

一小兒痘痕色赤作痛熱渴喜冷大便不利先用前胡枳殼散便利渴止再用生濟犀角地黃湯而安又用芹菜汁而愈

一小兒痘痕色赤大便不利小便赤澀作渴飲冷此上焦實熱也先君用瀉黃散一劑頓愈又用濟生犀角地黃湯及芹菜汁而痊

一小兒痘愈而痕赤作痛內熱作渴二便不利先君謂胃經熱毒用濟生犀角地黃湯及芹菜汁而痊

一小兒痘痕色白時痛時痒作渴飲湯大便稀澹此脾胃虛熱也用五味異功散加當歸

黃芪而瘥

一小兒十六歲痘痕白用獨參湯數斤色漸如舊又用地黃丸大補湯而安

一小兒痘後因母怒痕赤時或作痛先用加味小柴胡湯加味逍遙散治其母而愈

一小兒因乳母食膏粱之味痘痕色赤用清胃散治其母而兒自愈

一小兒痘痕色白作痒發熱大便不實諸藥

不應余用五味異功散每劑用人參一兩四劑之後其熱稍退仍用前藥兼服四神丸而愈

一小兒痘痕白色時或作痒先君謂氣血俱虛不信反服解毒之藥後變慢脾風而歿

一男子患此色白作痒搔破膿水淋漓惡寒體倦余謂脾肺氣虛不信反祛風敗毒果發搐而死

一 小兒患此惡寒發熱或痒或痛或白或赤  
余謂氣血俱虛不悟反降火祛風發瘵而死  
一小兒痘痕色白服尅伐之劑致瀉不止余  
謂此脾氣下陷也不信果歿遍身如白傅粉  
信氣虛矣

葛花解醒湯治乳母酒醉後乳兒遺熱爲患

白豆蔻

砂仁

葛花

各五錢

乾生薑

白朮

澤瀉

炒

神麴

炒黃各二分

白茯苓

陳皮

人參

猪苓

木香

各五分

青皮

三分

右爲末每二錢白湯調服

四順清涼飲治血脉壅實臟腑蓄熱頰赤作  
渴五心煩熱睡卧不安四肢驚掣或頭面  
生瘡目赤咽痛痘疹餘毒

方見大便不通

四君子湯

方見不屬悶亂

加味道遙散

方見痘潮熱

獨參湯

十全大補湯

二方見腹脹氣促

四物湯

方見痘出遲

犀角地黄湯

即聖濟犀角地黄湯  
方見頂陷心煩

前胡枳殼湯

方見痘涕唾

瀉黃散

方見痘渴瀉

六味地黄丸

方見發熱屬陰陽

五味異功散

方見寒戰咬牙

聖濟歸脾湯

清胃散

二方見痘癰

痘瘡

王海藏先生云痘疹初出後聲音洪亮形病而氣不病也痘疹未發聲音不出形不病而氣病也瘡疹既發聲音不出形氣俱病也宜用八風湯或涼膈散去硝黃主之竊謂前症



若心火上炎刑燂肺金者宜用人參平肺散  
若津液不足虛火薰蒸者宜用六味地黃丸  
凡小兒面素白善哭足熱腰痛或解顱面白  
黑睛淡者出腎虛痘面青善怒或兩頤赤者  
出肝脾虛也蓋邪之所湊其氣必虛當預爲  
調補若在乳下尤當補其母及慎飲食起居  
爲善此余之親驗者也

一小兒仲冬出痘呻吟煩躁焮痛作渴音啞

便實先君謂心肺實熱之症令急與水飲之  
遂恣啜始定大便稍和更食梨子數枚得生  
夫梨者利也能令人作瀉今食之而安乃內  
有實熱而應用也

一小兒痘愈而聲瘖面赤足心發熱小便赤  
少先君謂腎經虛熱用地黃丸益氣湯而愈  
其時患是症者用清熱解毒之藥俱致不起  
一小兒痘愈而聲瘖面白兩睛多白兩足發

熱作渴飲湯脉浮數左尺更數而無力余謂  
稟腎經陰虛朝用益氣湯夕用地黃丸加五  
味子兩月餘聲漸出又服兩月餘而愈

一小兒出痘聲瘖脉息如前余月前藥治之  
聲漸復清又飲食過多泄瀉復瘖朝用益氣  
湯夕用異功散地黃丸聲始如舊

一小兒痘後聲瘖半載以爲廢人余詢之但  
云頭運其聲即瘖脉浮而緩按之不及兩寸

此中氣虛不能上接清陽之氣耳用補中益  
氣湯地黃丸俱加五味子不半載聲音漸復  
一男子痘後患瘖惡寒體倦勞則頭運余謂  
元氣虛而不能上升不信乃服清痰降火之  
藥而效

一小兒十四歲痘後勞而喉瘖頭運脉洪數  
而無力惡寒發熱大便欲去而不去余謂元  
氣下陷也宜用益氣湯不悟乃雜用疎導之

藥泄瀉不止而歿

八風散 即八風湯

藿香 半兩 去土

白芷 一兩

前胡 去蘆 一兩

黃耆 二兩

甘草 炙 二兩

人參 二兩

羌活 三兩

防風 三兩

右為末每服入薄苛少許煎湯調服

涼膈散 方見痘瘡燥裂

人參平肺散治心火剋肺金而聲瘖 方見頂

六味地黄丸治腎虛聲瘖 方見發熱屬陰陽

補中益氣湯治中氣不足不能上接清陽之

氣而瘖

五味異功散 二方見寒戰咬牙

痘瘡痛

王海巖先生云痘瘡出而煩痛用木香五物  
主之更用芒硝為末以豬膽汁調敷之若身  
後痛屬膀胱經也用羌活荆芥甘草湯身煎

痛屬肺經也用升麻葛根紫草湯身側痛屬  
膽經也用連翹防風湯四肢痛屬胃經也用  
防風芍藥甘草湯以急止之蓋恐叫號傷氣  
忍痛傷血而變症也若熱毒盛者用東垣消  
毒散或仙方活命飲食鷄魚蒲萄酒物者用  
東垣清胃散生犀汁若發熱飲冷大便調和  
用四物連翹牡丹皮若發熱飲冷大便秘結  
脾胃實熱也用清涼飲若發熱作渴飲湯者

脾胃虛熱也用七味白朮散大凡痘切不可  
食毒物恐作痛致傷元氣輕者反重重者難  
治大人亦然

一小兒痘瘡作痛色赤飲冷此熱毒熾盛也  
用活命飲末二服痛止用東垣消毒散一服  
諸症悉退而瘥若非此藥必作疔毒之類  
一小兒痘焮痛出血診其母有肝火用小柴  
胡湯加山梔生地母子服之頓愈又用加味

逍遙散而痊

一小兒痘痛不止色淡欲陷此痛傷元氣也先用仙方活命飲一劑而痛止用八珍湯而

靨

一婦人時疫將愈出痘發熱體倦痛甚昏憤飲湯脉洪數按之如絲用十全大補湯調硃砂末一錢二劑其痛頓止食進體健仍用前湯十餘劑而愈

一男子痘瘡痛甚先用仙方活命飲一劑其痛頓止又用東垣消毒散一劑精神如常而

靨

一小兒痘瘡痛甚脉有力此邪氣實也用活命飲末二錢痛止起發又用東垣消毒散而靨

一小兒痘赤痛用活命飲末二錢痛止用當歸黃芪金銀花將愈用四君當歸芍藥而靨

一 小兒痘赤痛發熱飲冷大便不通脈洪數  
而有力用活命飲加大黃一服痛赤頓減更  
用東垣消毒散一服如期而愈

一 小兒痘瘡紅活焮痛作渴飲冷手足並熱  
余謂此痘屬形病俱實非清熱解毒不能殺  
其勢當用活命飲化癰湯不信另服鼠粘子  
湯痘焮脹大其色如赭先用前藥二劑腫痛  
悉止乃用鼠粘子湯而愈

一 小兒痘瘡焮痛服鼠粘子湯之類患痘疔  
三枚甚苦用隔蒜灸服活命飲痛止貫膿又  
用東垣消毒散而靨

一 小兒遍身發熱兩足猶甚作渴飲湯脈洪  
數而無力此稟腎經虛熱也用地黃丸料加  
當歸黃芪大劑煎與恣飲三日服數劑熱渴  
全止又數劑而愈

一 小兒痘瘡熱痛服敗毒藥四肢患痘癰寒

熱發渴余謂當補元氣不信果歿

木香五物湯治出痘煩痛

青木香四兩

丁香一兩

薰陸香

白礬

各一兩

麝香

錢一

右每服五錢水煎熱盛加犀角一兩施銀

臺常用此方其効如神

鼠粘子湯治痘瘡欲出未透皮膚發熱眼赤

心煩咽痛不利等症

減地骨防風名消毒散

鼠粘子

四錢炒許

荆芥

二錢

甘草

防風

五分

地骨皮

一錢

右為末每服一二錢白湯調下

仙方活命飲治痘瘡焮痛熱盛者服之頓衰

勢弱者服之頓愈真聖藥也

東垣清胃散

托裡消毒散

三方見痘瘡

東垣消毒散

方見夾疹痘一名救苦湯

射干鼠粘子湯

方見痘咽痛

羌活荆芥甘草湯

即此三味等分

柴胡山梔連翹防風湯

即此四味等分

連翹防風湯

方見痘疥

防風芍藥甘草湯

即此三味等分

化癍湯

方見水痘麻痘

清涼飲

消毒散

二方見大便不通

四聖散

方見痘出不快

犀角消毒散

隔蒜灸法

二方見痘疥

痘身疼

經云痒則為虛痛則為實內快久痛為外實  
內虛外快內痛為內實外虛今痘瘡身痛者  
是膚厚理密或外寒相搏或熱毒內作或血  
虛不能榮養若熱毒而血瘀者先用活命飲



次用東垣消毒散血虛而瘀者用四物湯之類遍身嚙而色黑者毒氣壅滯而血凝也乃是危症若二便秘結喘急煩躁用梔子仁湯或豬尾膏血調片腦治之自利不食者不治一小兒痘未發遍身作痛余謂熱毒勢盛先用仙方活命飲一劑痛緩痘出用東垣消毒散一劑末用四聖散而靨

一小兒痘未出透遍身作痛此熱毒鬱滯而未盡發於外也先用活命飲一劑而痛愈用參芪四聖散而結靨

一小兒痘瘡遍身作痛用東垣消毒散而痛愈用紫草快癩湯而膿貫用托裡散而愈一小兒痘癰肢體作痛發熱惡寒此氣虛而寒邪客于表也用人參羌活散而表解用參芪四聖散而起發用參芪內托散而膿潰一妊婦發熱作渴遍身疼痛用活命飲二劑

諸症稍愈形氣甚倦用紫草木香散痘出少許用白朮散貫膿而愈

一男子出痘根窠赤痛發熱作渴痘裂出血肝火熾也用小柴胡湯加生地犀角諸症頓減又用聖濟犀角地黄湯而結痂

黃芪六一湯治痘瘡氣虛作渴愈後作渴尤宜服之

黃芪

錢六

甘草

錢一